

IOK-HĀN HOK-IM TOĀN (43)

1 Tī khí-thâu ū Tō, Tō kap Siōng-tè saⁿ-kap tī-teh, Tō chiū-sī Siōng-tè. ²Chit ê Tō tī khí-thâu kap Siōng-tè saⁿ-kap tī-teh. ³Bān mih tùi Tō lâi chhòng-chō; kīⁿ-nā siū chhòng-chō ê, bô chit hāng m̄ sī tùi I lâi chhòng-chō. ⁴Oah-miā tī I ê lâi-bīn; chit ê oah-miā sī lāng ê kng. ⁵Kng chiò tī o-àm; o-àm bô chiap-láp i. ⁶Ū chit lāng tùi Siōng-tè chhe lâi, miā kiò Iok-hān. ⁷Chit ê lāng lâi choè kan-chèng, sī beh ūi-tiōh kng choè kan-chèng, hō· cheng lāng tùi I lâi sìn. ⁸I m̄ sī hit ê kng, sī beh ūi-tiōh kng choè kan-chèng nā-tiāⁿ. ⁹Ū chin ê kng lâi jip sè-kan, teh chiò bān lāng. ¹⁰I tī sè-kan, sè-kan tùi I lâi chhòng-chō, iā sè-kan m̄ bat I. ¹¹I kàu ka-kī ê só·-chāi, iā ka-kī ê lāng m̄ chiap-láp I. ¹²Kīⁿ-nā chiap-láp I ê, chiū-sī sìn I ê miā ê lāng, I chiū siūⁿ-sù in ū koān, chiāⁿ-choè Siōng-tè ê kiáⁿ-jī; ¹³in m̄ sī tùi hiat-khi, iāh m̄ sī tùi jiók-thé ê ì-sù, iāh m̄ sī tùi lāng ê ì-sù siⁿ ê, chiū-sī tùi Siōng-tè. ¹⁴Tō chiāⁿ jiók-thé, khiā-khi tī lán tiong-kan, ū un-tián kap chin-lí moá-moá; koh goán bat khoàⁿ-kìⁿ I ê êng-kng, chhin-chhiūⁿ tók siⁿ ê Kiáⁿ tùi Pē só· tit ê êng-kng. ¹⁵Iok-hān ūi-tiōh I choè kan-chèng, kiò kóng, Chit-ê chiū-sī goá só· kóng, tè-bé goá lâi ê, chiāⁿ-choè goá ê tãi-seng; in-ūi I pún tãi-seng goá tī-teh. ¹⁶In-ūi tùi I ê chhiong-moá lán lóng ū só· siū, chiū un-tián soà-chiap un-tián. ¹⁷In-ūi lút-hoat sī tùi Mô·-se lâi thoân; un-tián kap chin-lí sī tùi

Iâ-so· Ki-tok chiaⁿ ū. ¹⁸Bē bat ū lāng khoàⁿ-kìⁿ Siōng-tè; chí-ū tī Pē sim-hoai tiong tók-siⁿ ê Kiáⁿ ū piáu-bêng I.

¹⁹Iok-hān ê kan-chèng kī tī ē-toé: Iū-thài lāng tùi Iâ-lō·-sat-léng chhe chè-si kap Lī-bī lāng chiū-kūn i lâi m̄ng kóng, Lí sī chī-chui? ²⁰Hit sī Iok-hān sêng-jīn bô ún-moá; i sêng-jīn kóng, Goá m̄ sī Ki-tok. ²¹Koh m̄ng i, Che sī cháiⁿ-iūⁿ? Lí sī Í-lī-a mah? I kóng, M̄ sī. Lí sī hit ê sian-ti mah? In kóng, M̄ sī. ²²Chiū ká i kóng, Lí sī chī-chui? hō· goán thang hē-hok chhe goán ê. Lí tiōh kóng ka-kī sī cháiⁿ-iūⁿ? ²³Kóng, Goá chiū-sī teh kiò tī khòng-iá ê ê siaⁿ, kóng, Siu tit Chú ê lō·, chhin-chhiūⁿ sian-ti Í-sài-a só· kóng ê. ²⁴Hiah ê lāng chiū-sī Hoat-lī-sài lāng só· chhe ê. ²⁵In koh m̄ng i kóng, Lí nā m̄ sī Ki-tok, iāh m̄ sī Í-lī-a, iāh m̄ sī hit ê sian-ti, cháiⁿ-iūⁿ kiāⁿ soé-lé ah? ²⁶Iok-hān in i, kóng, Goá sī êng chui kiāⁿ soé-lé; ū khiā tī lín tiong-kan ê, lín m̄ bat I. ²⁷I chiū-sī tè-bé goá lâi ê, chiū tháu I ê oē-toà, goá iāh boē kham-tit. ²⁸Chiah ê sū kiāⁿ tī Iok-tàn goā ê Pek-tāi-nī, chiū-sī Iok-hān kiāⁿ soé-lé ê só·-chāi.

²⁹Keh jīt, Iok-hān khoàⁿ-kìⁿ Iâ-so· chiū-kūn i, chiū kóng, Lí khoàⁿ, Siōng-tè ê Iūⁿ-ko, chiū-sī tam-tng sè-kan ê choē ê. ³⁰Chit-ê chiū-sī goá só· bat kóng, Ū chit lāng tè-bé goá lâi, chiāⁿ-choè goá ê tãi-seng, in-ūi I pún tãi-seng goá tī-teh. ³¹Goá pún m̄ bat I; tók-tók

beh hō· I hián-bêng tī Í-sek-liát lāng, só·í goá lâi ēng chúí kiâⁿ soé-lé. ³²Iok-hān koh kan-chèng kóng, Goá bat khoàⁿ-kìⁿ Sèng Sîn chhin-chhiūⁿ chíⁿ-á tùi thiⁿ kàng-lòh, hioh tī I téng-bīn. ³³Goá pêng-sò· m̄ bat I; tók-tók chhe goá ēng chúí kiâⁿ soé-lé ê, kā goá kóng, Lí khoàⁿ Sèng Sîn kàng-līm, hioh tī I téng-bīn, I chiū-sī ēng Sèng Sîn kiâⁿ soé-lé ê. ³⁴Goá bat khoàⁿ-kìⁿ, lâi kan-chèng chit-ê sī Siōng-tè ê Kiáⁿ.

³⁵Koh keh jīt, Iok-hān kap i n̄ng ê hák-seng teh khiā; ³⁶khoàⁿ-kìⁿ Iâ-so· teh kiâⁿ, chiū kóng, Lí khoàⁿ, Siōng-tè ê Iūⁿ-ko. ³⁷Hit n̄ng ê hák-seng thiaⁿ i só· kóng, chiū tè Iâ-so·. ³⁸Iâ-so· oát-túg-sin, khoàⁿ in teh tè I, chiū kā in kóng, Lín teh chhē sím-mih? In kā I kóng, Liáp-pí, lí tiàm tī tá-lòh? (Liáp-pí, hoan-ék chiū-sī Sian-siⁿ). ³⁹Iâ-so· kā in kóng, Lín lâi chiū oē khoàⁿ-kìⁿ. In chiū khi, khoàⁿ I só· toà ê só·-chāi; hit jīt kap I saⁿ-kap toà; hit sī iok-liók sī tiám cheng. ⁴⁰Thiaⁿ Iok-hān ê oē lâi tè Iâ-so· ê n̄ng lāng, kī-tiong chit-ê sī Se-būn Pí-tek ê hiaⁿ-tī, An-tek-liát. ⁴¹I tãi-seng tú-tiòh in hiaⁿ-tī Se-būn, kā i kóng, Goán í-keng tú-tiòh Bí-sài-a (hoan-ék chiū-sī Ki-tok). ⁴²Chiū chhoā i chiū-kūn Iâ-so·. Iâ-so· khoàⁿ i kóng, Lí chiū-sī Iok-hān ê kiáⁿ Se-būn; lí beh chheng choē Ki-hoat (hoan-ék chiū-sī Pí-tek).

⁴³Koh keh jīt, Iâ-so· beh khi Ka-lī-lī, tú-tiòh Hui-lèk; chiū kā i kóng, Tè goá. ⁴⁴Hui-lèk sī Pek-sài-tāi ê lāng, kap An-tek-liát Pí-tek tâng siáⁿ. ⁴⁵Hui-lèk tú-tiòh Ná-tàn-giáp, chiū kā i kóng, Mô·se kì tī lút-hoat kap chiaⁿ ê sian-ti só· kì ê, goán í-keng tú-tiòh I, chiū-sī Iok-sek ê kiáⁿ, Ná-sat-lèk lāng, Iâ-so·. ⁴⁶Ná-tàn-giáp kā i kóng, Ná-sat-lèk kiám oē chhut sím-mih hó mih mah? Hui-lèk kóng, Lâi khoàⁿ. ⁴⁷Iâ-so· khoàⁿ-kìⁿ Ná-tàn-giáp chiū-

kūn I, chiū chí i, kóng, Lí khoàⁿ, chin-chiàⁿ sī Í-sek-liát lāng, sim bô khúi-khiat ê. ⁴⁸Ná-tàn-giáp kā i kóng, Tùi tá-lòh bat goá? Iâ-so· kóng, Hui-lèk iáu-bē kiò lí, lí tī bû-hoa-kó chhiū kha, goá í-keng khoàⁿ-kìⁿ lí lah. ⁴⁹Ná-tàn-giáp in I kóng, Liáp-pí, lí chiū-sī Siōng-tè ê Kiáⁿ; lí chiū-sī Í-sek-liát ê Ông. ⁵⁰Iâ-so· in i kóng, In-ūi goá kā lí kóng, Goá í-keng khoàⁿ-kìⁿ lí tī bû-hoa-kó chhiū kha, lí chiū sìn mah? Lí beh khoàⁿ-kìⁿ tãi-chì pí chiaⁿ-ê khah toā ê. ⁵¹Koh kā i kóng, Goá sít-sít kā lín kóng, Lín beh khoàⁿ-kìⁿ thiⁿ khui, Siōng-tè ê thiⁿ-sài chiūⁿ-lòh tī Jīm-chú ê téng-bīn.

2 Tē saⁿ jīt tī Ka-lī-lī ê Ka-ná ū hun-in ê iân-siáh; Iâ-so· ê lāu-bú tī hia; ²Iâ-so· kap I ê hák-seng iā hō· in chhiáⁿ khi hù iân-siáh. ³Chiú ēng liáu, Iâ-so· ê lāu-bú chiū tùi I kóng, In bô chiú lah. ⁴Iâ-so· kā i kóng, lāu-bú ah, goá kap lí sím-mih kan-siáp? goá ê sī iáu-bē kàu. ⁵I ê lāu-bú kā chiaⁿ ê chhe-ēng ê lāng kóng, Hoān-nā I kā lín kóng ê, lín tiòh kiâⁿ i. ⁶Chiàu Iū-thài lāng soé chheng-khi ê lē, tī hia ū pài lāk ê chiòh àng, ták-ê oē toé-tit n̄ng saⁿ tháng chúí. ⁷Iâ-so· kā chhe-ēng ê lāng kóng, Ēng chúí hō· i moá àng. Chiū hō· i moá kàu àng-kháu. ⁸Koh kā in kóng, Taⁿ tiòh iúⁿ i, phāng hō· chiáng-lí iân-toh ê lāng. Chiū phāng hō· i. ⁹Chúí pián choē chiú, chiáng-lí iân-toh ê chhi-lim i, m̄ chai tùi tá-lòh lâi, (tók-tók iúⁿ chúí ê chhe-ēng chai); chiáng-lí iân-toh ê chiū kiò sin-kiáⁿ-sài lâi, ¹⁰kā i kóng, Lāng lóng sī tãi-seng pài hó chiú; kàu lāng lim choē-choē, chiaⁿ ēng khah chhù ê; tók-tók lí lâu hó chiú kàu chit tiáp. ¹¹Chit-ê thâu chit pái ê sîn-jiah, Iâ-so· kiâⁿ tī Ka-lī-lī ê Ka-ná, lâi hián-chhut I ê ēng-kng; I ê hák-seng chiū sìn I.

¹²Chit ê sū í-āu, I kap I ê lāu-bú, kap hiaⁿ-

tī, í-kip I ê hák-seng lóh-khì Ka-pek-lông; tiàm hia bô kúi jlt.

¹³Iú-thài lāng ê poān-kè-choeh kūn lah, Iâ-so· chiūn Iâ-lō·sat-léng. ¹⁴Tī tiān-nih tú-tiòh ū boē gū, iūn, chíⁿ-á, iáh ū oāⁿ chíⁿ ê teh chē. ¹⁵Iâ-so· ēng soh choē piⁿ, koáⁿ in kap iūn gū lóng chhut tiān; koh chia-tó oāⁿ chíⁿ ê lāng ê chíⁿ, péng-lìn-túg in ê toh; ¹⁶koh ká boē chíⁿ-á ê kóng, Toà chiaⁿ ê mih khi; m̄ thang ēng goá ê Pē ê chhù choē boē-boē ê chhù. ¹⁷I ê hák-seng kì-tit sèng-keng ū kì, kóng, Goá ūi-tiòh lí ê chhù sim-lāi chhin-chhiūⁿ hé tóh. ¹⁸Iú-thài lāng chiū in I kóng, Lí choē chiaⁿ ê tãi-chì, ēng sím-mih sîn-jiah hō· goán khoàⁿ? ¹⁹Iâ-so· in kóng, Lín húi-hoài chit ê tiān, goá saⁿ jlt beh koh khí i. ²⁰Iú-thài lāng chiū kóng, Chit ê tiān lèk-kè sì-cháp-lák nî chiaⁿ khí hó, iáh lí saⁿ jlt beh koh khí i mah? ²¹Nā-sī I án-ni kóng sī teh lūn I ê sin-khu ê tiān. ²²Kàu I tùi sí-lāng tiong koh-oáh, I ê hák-seng chiaⁿ kì-tit I bat án-ni kóng; chiū sîn sèng-keng kap Iâ-so· só· kóng ê oē.

²³Tng poān-kè-choeh Iâ-so· tī Iâ-lō·sat-léng; tī choeh-kí tiong choē-choē lāng khoàⁿ-kìⁿ I só· kiāⁿ ê sîn-jiah, chiū sîn I ê miā. ²⁴Nā-sī Iâ-so· bô ēng pún-sin kau-thok in, in-ūi I chai cheng lāng, ²⁵iā bô khiām-ēng lāng tùi I cheng-bēng lāng sī cháiⁿ-iūⁿ; in-ūi I ka-kī chai lāng sim-lāi só· khng ê.

3 Ū chit ê Hoat-lī-sài lāng, miā Nî-ko-tí-bó·, sī Iú-thài lāng ê koaⁿ; ²mī-sī lâi chiū-kūn Iâ-so·, tùi I kóng, Liáp-pí, goán chai lí choē sian-siⁿ, sī tùi Siōng-tè lâi ê; in-ūi nā m̄ sī Siōng-tè kap i tī-teh, chiū bô lāng oē kiāⁿ lí só· kiāⁿ chiaⁿ ê sîn-jiah. ³Iâ-so· in i, kóng, Goá sít-sít ká lí kóng, Lāng nā bô tēng-thâu siⁿ, chiū boē-oē khoàⁿ-kìⁿ Siōng-tè ê kok. ⁴Nî-ko-tí-bó· tùi I kóng, Lāng í-keng lâu, cháiⁿ-iūⁿ oē

tēng-thâu siⁿ? kiám oē koh jlp lâu-bú ê pak-tó· lâi siⁿ mah? ⁵Iâ-so· in kóng, Goá sít-sít ká lí kóng, Lāng nā bô tùi chúi tùi Sèng Sîn lâi siⁿ, chiū boē-oē jlp Siōng-tè ê kok. ⁶Tùi jiók-thé siⁿ ê sī jiók-thé; tùi Sîn siⁿ ê sī sîn. ⁷Goá kóng, Lín tek-khak tiòh tēng-thâu siⁿ, lí bôh-tit liáh choē kí-koài. ⁸Hong chhut-chai ì-sù lâi chhe, lí thiaⁿ-kìⁿ i ê siaⁿ, m̄ chai i tùi tá-lòh lâi, tá-lòh khi; kìⁿ-nā tùi Sîn siⁿ ê iáh sī án-ni. ⁹Nî-ko-tí-bó· in I kóng, Cháiⁿ-iūⁿ oē án-ni ah? ¹⁰Iâ-so· in i kóng, Lí choē Í-sek-liát ê sian-siⁿ, iā m̄ chai che mah? ¹¹Goá sít-sít ká lí kóng, Goán sī kóng goán só· chai ê, kan-cheng goán só· khoàⁿ-kìⁿ ê; nā-sī lín m̄ chiap-láp goán ê kan-cheng. ¹²Goá ká lín kóng toē-chiūⁿ ê sū, lín siōng-chhiāⁿ m̄ sîn; nā ká lín kóng thiⁿ-téng ê sū, lín thài beh sîn? ¹³Bô lāng bat chiūⁿ thiⁿ; chí ū tī thiⁿ-nih ê Jîn-chú, tùi thiⁿ kàng-lòh ê nā-tiāⁿ. ¹⁴Koh chhin-chhiūⁿ Mô·-se kú-khi choa tī khong-iá, Jîn-chú iáh tek-khak tiòh án-ni siū kú-khi; hō· kìⁿ-nā sîn ê lāng tiàm tī I ū éng-oáh.

¹⁶In-ūi Siōng-tè chiong tók-siⁿ ê Kiáⁿ siūⁿ-sù sè-kan, hō· kìⁿ-nā sîn I ê lāng boē tím-lūn, oē tit-tiòh éng-oáh; I thiāⁿ sè-kan kàu án-ni. ¹⁷In-ūi Siōng-tè chhe Kiáⁿ jlp sè-kan, m̄ sī beh sím-phoàⁿ sè-kan; sī beh hō· sè-kan tùi I tit-tiòh kiù. ¹⁸Sîn I ê lāng bô siū sím-phoàⁿ; m̄ sîn ê lāng í-keng siū sím-phoàⁿ, in-ūi i m̄ sîn Siōng-tè tók-siⁿ Kiáⁿ ê miā. ¹⁹Só· sím-phoàⁿ ê, chiū-sī kng jlp sè-kan, iáh lāng ài àm khah kè-thâu tī kng, in-ūi i só· kiāⁿ sī pháiⁿ. ²⁰Kìⁿ-nā choē pháiⁿ ê, oàn-hūn kng iáh m̄ chiū-kūn kng, kiaⁿ-liáu i ê só· kiāⁿ siū chek-pī. ²¹Tók-tók kiāⁿ chin-lí ê lāng chiū-kūn kng, lâi hián-bēng i ê só· kiāⁿ sī tī Siōng-tè lâi kiāⁿ.

²²Chiaⁿ ê tãi-chì í-āu, Iâ-so· kap I ê hák-seng kàu Iú-thài toē; kap in toà hia lâi kiāⁿ

soé-lé. ²³Iok-hān iah teh kiāⁿ soé-lé tī kūn Sat-léng ê Ai-loán; in-ūi tī hia ū choē-choē chú; lāng kàu hia lâi siū soé-lé. ²⁴In-ūi Iok-hān iáu-bē koaiⁿ lōh kaⁿ. ²⁵Tùi án-ni ū Iok-hān ê hák-seng kap chit ê Iú-thài lāng cheng-piān chheng-khì ê sū. ²⁶In lâi chiū-kūn Iok-hān, kā i kóng, Liáp-pí ah, chiông-chêng kap lí tī Iok-tàn goá; lí sóⁿ kan-chèng ê, lí khoàⁿ, i teh kiāⁿ soé-lé, chêng lāng lóng chiū-kūn I. ²⁷Iok-hān ìn kóng, Nā m̄ sī tùi thiⁿ hōⁿ i, chiū lāng boē tit-tiōh sím-mih. ²⁸Lín ka-kī ūi-tiōh goá choē kan-chèng, goá bat kóng, Goá m̄ sī Ki-tok, chiū-sī hōng-chhe tī I ê thâu-chêng nā-tiāⁿ. ²⁹Ū sin-niū ê sī sin-kiáⁿ-sài; sin-kiáⁿ-sài ê pêng-iú khiā teh thiaⁿ i, ūi-tiōh sin-kiáⁿ-sài ê siaⁿ, chiū hoaⁿ-hí kàu-kék; sóⁿ-í goá chit ê hoaⁿ-hí chhiong-moá lah. ³⁰I tek-khak heng-ōng, goá tek-khak soe-bī.

³¹Tùi téng-bīn lâi ê, sī tī bān lūi ê téng-bīn; hit ê tùi toē-nh̄ ê, sī tùi toē chiaⁿ ū, iah tùi toē lâi kóng; tùi thiⁿ lâi ê sī tī bān lūi ê téng-bīn. ³²I chiong sóⁿ thiaⁿ-kìⁿ ê lâi kan-chèng, iah bô lāng chiap-láp I ê kan-chèng. ³³Chiap-láp I ê kan-chèng ê, í-keng khàm-ìn lâi kan-chèng Siōng-tè sī chin-sít. ³⁴In-ūi Siōng-tè sóⁿ chhe ê kóng Siōng-tè ê oē; sī Siōng-tè siūⁿ-sù Sèng Sîn bô hān-liōng. ³⁵Pē thiāⁿ Kiáⁿ, í-keng chiong bān mih kau-hù I ê chhiú. ³⁶Sìn Kiáⁿ ê lāng ū éng-oáh; m̄ sūn Kiáⁿ ê lāng boē khoàⁿ-kìⁿ oáh, Siōng-tè ê siū-khì tiàm tī i ê téng-bīn.

4 Chú í-keng chai Hoat-lī-sài lāng thiaⁿ-kìⁿ Iā-soⁿ chio-tiōh hák-seng, iah kā in kiāⁿ soé-lé, pí Iok-hān khah choē, ²kí-sít Iā-soⁿ ka-kī bô kiāⁿ soé-lé, sī I ê hák-seng kiāⁿ i), ³chiū lī-khui Iú-thài, koh khi Ka-lī-lī. ⁴Tiōh tùi Sat-má-lī-a keng-kè. ⁵Tùi án-ni kàu Sat-má-lī-a chit ê siāⁿ, miā kiò Sū-ka, kūn Ngá-kok hōⁿ i

ê kiáⁿ Iok-sek ê toē; tī hia ū Ngá-kok ê chú-chíⁿ. ⁶Iā-soⁿ kiāⁿ lōⁿ siān, chiū án-ni chē tī chíⁿ-piⁿ. Hit sī iok-liók jít tiong-tàu. ⁷Ū chit ê Sat-má-lī-a ê hū-jîn-lāng lâi chhiūⁿ chú; Iā-soⁿ kā i kóng, Chhiáⁿ hōⁿ goá lim. ⁸In-ūi I ê hák-seng í-keng jíp siāⁿ, khi boē mih thang lâi chiaⁿ. ⁹Sat-má-lī-a ê hū-jîn-lāng kā I kóng, Lí sī Iú-thài lāng, cháiⁿ-iūⁿ tùi goá Sat-má-lī-a ê hū-jîn-lāng thó chúⁿ lim ah? Sī Iú-thài lāng kap Sat-má-lī-a lāng bô óng-lâi. ¹⁰Iā-soⁿ ìn i kóng, Siat-sú lí bat Siōng-tè ê un-sù, kap tùi lí kóng, Hōⁿ goá lim ê, sī chí-chhiū; lí tek-khak kiū I, I chiū ēng oáh chúⁿ hōⁿ lí. ¹¹Hū-jîn-lāng kóng, Chú ah, lí bô chhiūⁿ chúⁿ ê khi-kū, chíⁿ koh chhim; tùi tá-lōh ū hit ê oáh chúⁿ ah? ¹²Goán chóⁿ Ngá-kok lâu chit ê chíⁿ hōⁿ goán, i ka-kī kap kiáⁿ-jī kap cheng-siⁿ lóng lim chit ê chíⁿ ê chúⁿ, lí kiám pí i khah toā mah? ¹³Iā-soⁿ ìn i kóng, Lim chit ê chúⁿ ê, lóng beh koh chhiū-ta; tók-tók kìⁿ-nā lim goá sóⁿ beh hōⁿ i ê chúⁿ ê éng-oán boē chhiū-ta; ¹⁴in-ūi goá sóⁿ hōⁿ i ê chúⁿ beh tī i ê lāi-bīn chiaⁿ-choē chúⁿ-choāⁿ, tit-tít chheng-khí-lâi kàu éng-oán oáh. ¹⁵Hū-jîn-lāng tùi I kóng, Chú ah, ēng chit ê chúⁿ hōⁿ goá, hōⁿ goá boē chhiū-ta, iah bián lâi chiaⁿ hng chhiūⁿ. ¹⁶Iā-soⁿ kā i kóng, Khi kiò lí ê tiōng-hu, chiaⁿ koh lâi. ¹⁷Hū-jîn-lāng ìn I kóng, Goá bô tiōng-hu. Iā-soⁿ kā i kóng, Lí kóng, Bô tiōng-hu, sī tiōh; in-ūi lí bat ū gōⁿ ê tiōng-hu; taⁿ sóⁿ ū ê m̄ sī lí ê tiōng-hu; lí ê oē chin-chiāⁿ tiōh. ¹⁹Hū-jîn-lāng kā i kóng, Chú ah, goá khoàⁿ lí sī sian-ti. ²⁰Goán chóⁿ bat tī chit ê soaⁿ kèng-pài; nā-sī lín kóng kèng-pài ê sóⁿ-chāi eng-kai tī Iā-lōⁿ-sat-léng. ²¹Iā-soⁿ kā i kóng, Hū-jîn-lāng ah, tiōh sìn goá, sī beh kàu lah, lín kèng-pài Pē iah bô tī chit ê soaⁿ, iah bô tī Iā-lōⁿ-sat-léng. ²²Lín kèng-pài lín sóⁿ m̄ chai ê; goán kèng-pài goán sóⁿ chai ê; in-ūi

chín-kiù sī tùi Iû-thài lāng chhut. ²³Nā-sī sī beh kàu, hiān-kim chiū-sī, chin-sít kèng-pài ê beh ēng sîn ēng chin-sít kèng-pài Pē; in-ūi Pē sī ài chit hō lāng kèng-pài I. ²⁴Siōng-tè sī Sîn; kèng-pài I ê lāng, tiōh ēng sîn ēng chin-sít lāi kèng-pài. ²⁵Hū-jîn-lāng kā I kóng, Goá chai Bí-sài-a teh-beh kàu; I nā kàu beh ēng it-chhè ê sū kā goán kóng. (Bí-sài-a hoan-ék chiū-sī Ki-tok). ²⁶Iâ-so· kā i kóng, Goá chit ê teh kap lí kóng oē ê, chiū-sī.

²⁷Hit-sī I ê hák-seng kàu; kī-koài I kap hū-jîn-lāng kóng oē; tók-tók bô lāng kóng, Lí beh sím-mih tãi-chì? á-sī kóng, Lí siáⁿ-sū kap hū-jîn-lāng kóng oē? ²⁸Hū-jîn-lāng sūi-sī pàng-hē i ê chú-i-pân, jlp siáⁿ, kā lāng kóng, ²⁹Lâi khoàⁿ chit lāng, goá pêng-sò· kiâⁿ ê sū, I lóng kā goá kóng; chit-ê chóng bô sī Ki-tok ah? ³⁰In chiū chhut siáⁿ, lâi chiū-kūn Iâ-so·. ³¹Tng sī hák-seng kiû I kóng, Liáp-pí lâi chiáh. ³²Nā-sī I kā in kóng, Goá ū bí-niû thang chiáh, lín só· m̄ chai ê. ³³Hák-seng chiū saⁿ-kap kóng, Kiám ū lāng hō· I chiáh mah? ³⁴Iâ-so· kā in kóng, Kiâⁿ chhe goá ê ê chí-ì, lâi bêng-pék I ê kang, chiū-sī goá ê bí-niû. ³⁵Lín kiám bô kóng, Iáu ū sî gèh jlt, chiū siu-koah ê sī kàu mah? Goá kā lín kóng, Kiáh bák khoàⁿ hng, í-keng sèk, thang koah lah. ³⁶Siu-koah ê lāng tit-tiōh kang-chiⁿ, chek-chū gō·kak kàu éng-oáh; hō· iā-chéng ê, siu-koah ê, saⁿ-kap hoaⁿ-hí. ³⁷In-ūi siók-gú só· kóng, Chit-ê iā-chéng, hit-ê siu-koah, tùi án-ni chin-chiàⁿ ū iáⁿ. ³⁸Goá chhe lín siu-koah lín só· bô tiōh-boâ ê; pát lāng í-keng tiōh-boâ, lín hióng-siū in só· tiōh-boâ ê.

³⁹Hit ê siáⁿ ū Sat-má-lī-a lāng choē-choē sîn I, sī in-ūi hū-jîn-lāng kan-chèng, kóng, Goá pêng-sò· kiâⁿ ê sū, I lóng kā goá kóng. ⁴⁰Tùi án-ni, Sat-má-lī-a lāng chiū-kūn Iâ-so· ê sī,

kiû I kap in toà; I chiū toà hia nng jlt. ⁴¹In-ūi I ê oē lâi sîn ê lāng koh khah choē; ⁴²kā hū-jîn-lāng kóng, Goán taⁿ m̄ sī tùi lí ê oē lâi sîn; sī chhin-sin thiaⁿ-kìⁿ, chai I chin-chiàⁿ sī sè-kan ê Kiù-chú.

⁴³Kè nng jlt, Iâ-so· lī-khui hia, khi Ka-lī-lī. ⁴⁴In-ūi Iâ-so· ka-kī kan-chèng, kóng, Sian-ti lāng tī pún só·-chāi bô chun-kui. ⁴⁵Kàu Ka-lī-lī ê sī, Ka-lī-lī lāng chiap-láp I, in-ūi bat khoàⁿ I tī Iâ-lō·sat-léng tng choeh-kī tiong só· kiâⁿ it-chhè ê tãi-chì; in-ūi in pún-sin iah ū khi hù choeh-kī.

⁴⁶Iâ-so· koh kàu Ka-lī-lī ê Ka-ná, chiū-sī I ēng chú-i piàn chiú ê só·-chāi. Ū ông ê jîn-sîn, i ê kiáⁿ phò-piⁿ tī Ka-pek-lông. ⁴⁷Thiaⁿ-kìⁿ Iâ-so· tùi Iû-thài kàu Ka-lī-lī, chiū khi chiū-kūn I, kiû I lóh-khi i-tī i ê kiáⁿ; in-ūi teh-beh sí lah. ⁴⁸Iâ-so· tùi i kóng, Nā bô khoàⁿ-kìⁿ sîn-jiah kī-sū, lín tek-khak m̄ sîn. ⁴⁹Ông ê jîn-sîn tùi I kóng, Chú ah, thàn goá ê soè-kiáⁿ iáu-bē sí, lóh-lâi-khi. ⁵⁰Iâ-so· kā i kóng, Khi ah, lí ê kiáⁿ oáh lah. Hit lāng sîn Iâ-so· kā i kóng ê oē, chiū khi. ⁵¹Tú-tú lóh-khi ê sī, i ê lô·pók kúi-nā lāng tú-tiōh i, kā i kóng i ê kiáⁿ oáh lah. ⁵²Chiū mng in, Sí-mih sī chiah khah hó? In chiū kā i kóng, Chā-jlt-tàu chit tiám cheng jiát thè. ⁵³Lāu-pē chai hit sī tú-tú sī Iâ-so· kóng, Lí ê kiáⁿ oáh lah, ê sī; i ka-kī kap choân-ke chiū lóng sîn. ⁵⁴Chit ê tē jī pái ê sîn-jiah, sī Iâ-so· tùi Iû-thài kàu Ka-lī-lī í-âu só· kiâⁿ ê.

5 Chiah ê sū í-âu, ū Iû-thài lāng ê choeh-kī; Iâ-so· chiūⁿ Iâ-lō·sat-léng.

²Tī Iâ-lō·sat-léng, kūn Iûⁿ-mng, ū tī, Hi-pek-lâi ê khiuⁿ-kháu kiò choē Pit-sū-tâi, ū gō· ê léng-lông. ³Hit lâi-bīn ū chhiⁿ-mī ê, pái-kha ê, huìh ko·-tâ ê, choē-choē pīⁿ lāng tó-teh. ⁵Tī hia ū chit lāng, phò-piⁿ saⁿ-cháp-poeh nī.

⁶Iâ-so· khoàⁿ-kìⁿ i tó-teh, chai i ê pīⁿ í-keng kú, kâ i kóng, Lí ài tit-tiòh hó mah? ⁷Phoà-pīⁿ ê lâng ìn I kóng, Chú ah, chúí tín-tāng ê sī, bô lâng thang hū goá lóh tî; kàu goá lâi ê sī, pát lâng tãi-seng goá lóh-khì lah. ⁸Iâ-so· kâ i kóng, Khí-lâi, giâ lí ê pho·-á khi kiâⁿ. ⁹Hit lâng chek-sī hó, chiū giâ i ê pho·-á khi kiâⁿ.

¹⁰Hit jít sī an-hioh-jít, Iû-thài lâng chiū kâ tit-tiòh i-hó ê lâng kóng, kin-á-jít sī an-hioh-jít, lí giâ pho·-á sī m̄ háp-gī. ¹¹Nā-sī i ìn kóng, Hit-ê i-hó goá ê kâ goá kóng, Giâ lí ê pho·-á lâi kiâⁿ. ¹²In m̄ng i, kóng, Kâ lí kóng, Giâ pho·-á lâi kiâⁿ ê, sī sím-mih lâng? ¹³Tit-tiòh hó ê lâng m̄ chai I sī chī-chūi; in-ūi Iâ-so· í-keng khi pát ūi, sī hit só·-chāi ê lâng choē. ¹⁴Āu-lâi Iâ-so· tī tiān-nih tú-tiòh i, chiū kâ i kóng, Lí í-keng tit-tiòh hó; bôh-tit koh hoān-choē, kiaⁿ-liáu lí tú-tiòh koh khah chhám. ¹⁵Hit lâng chiū khi kâ Iû-thài lâng kóng, i-hó i ê chiū-sī Iâ-so·. ¹⁶Só·-í Iû-thài lâng khún-tiok Iâ-so·, in-ūi I tī an-hioh-jít choē chiaⁿ ê tãi-chì. ¹⁷Iâ-so· ìn kóng, Goá ê Pē kiâⁿ tãi-chì kàu taⁿ, goá iah kiâⁿ tãi-chì. ¹⁸Só·-í Iû-thài lâng it-hoat beh thâi I, in-ūi I m̄ nā hoān-tiòh an-hioh-jít, koh kóng Siōng-tè choē I ê Pē, chiong pún-sin sng choē kap Siōng-tè pīⁿ.

¹⁹Iâ-so· chiū ìn kóng, Goá sít-sít kâ lín kóng, Kiáⁿ nā m̄ sī khoàⁿ-kìⁿ Pē kiâⁿ ê, chiū ka-kī boē kiâⁿ sím-mih; in-ūi kìⁿ-nā Pē só· kiâⁿ ê, Kiáⁿ iah chiàu án-ni kiâⁿ. ²⁰In-ūi Pē thiàⁿ Kiáⁿ, chiong pún-sin só· kiâⁿ ê lóng-chóng hō· I khoàⁿ; iah beh chiong pí chiaⁿ-ê khah toā ê só· kiâⁿ hō· I khoàⁿ, tì-kàu lín kī-koài. ²¹In-ūi chhin-chhiūⁿ Pē hō· sí-lâng khí-lâi, koh hō· in oáh, Kiáⁿ iah sī án-ni hō· I só· ài ê lâng koh-oáh. ²²In-ūi Pē iah bô sím-phoàⁿ lâng, tók-tók ēng sím-phoàⁿ ê sū lóng

kau-tāi Kiáⁿ; beh hō· cheng lâng lóng chun-keng Kiáⁿ, chhin-chhiūⁿ chun-keng Pē. ²³Bô chun-keng Kiáⁿ ê lâng, chiū-sī bô chun-keng chhe I ê Pē. ²⁴Goá sít-sít kâ lín kóng, Thiaⁿ goá ê oē, iah sìn chhe goá ê, chiū ū éng-oáh, boē kàu siū sím-phoàⁿ, sī í-keng chhut sí jlp oáh lah. ²⁵Goá sít-sít kâ lín kóng, Sī beh kàu, hiān-chāi chiū-sī lah, sí-lâng teh-beh thiaⁿ-kìⁿ Siōng-tè ê Kiáⁿ ê siaⁿ, iā thiaⁿ-kìⁿ ê lâng teh-beh oáh. ²⁶In-ūi chhin-chhiūⁿ Pē tī pún-sin ū oáh-miā, I iah sī án-ni hō· Kiáⁿ tī pún-sin ū oáh-miā; ²⁷koh hō· I ū koān thang sím-phoàⁿ, in-ūi I sī choē Jîn-chú. ²⁸Bôh-tit liáh chit-ê choē kī-koài; in-ūi sī beh kàu, kìⁿ-nā tī bōng-lâi ê beh thiaⁿ I ê siaⁿ, chiaⁿ chhut-lâi; ²⁹kiâⁿ hó ê koh khí-lâi, tit-tiòh oáh; kiâⁿ pháiⁿ ê koh khí-lâi, siū sím-phoàⁿ.

³⁰Goá ka-kī boē choē sím-mih; goá chiàu só· thiaⁿ-kìⁿ lâi sím-phoàⁿ; goá ê sím-phoàⁿ iah sī kong-gī; in-ūi goá bô kiū ka-kī ê ì-sù, chiū-sī kiū chhe goá ê ì-sù. ³¹Goá nā ūi-tiòh ka-kī choē kan-cheng, goá ê kan-cheng chiū bô chin. ³²Iáu ū ūi-tiòh goá choē kan-cheng ê; goá chai I só· ūi-tiòh goá choē kan-cheng ê sī chin. ³³Lín bat chhe lâng chiū-kūn Iok-hān, i ū ūi-tiòh chin-lí choē kan-cheng. ³⁴Nā-sī goá só· siū ê kan-cheng, m̄ sī tui lâng; tók-tók goá kóng chiaⁿ-ê, sī beh hō· lín tit-tiòh kiū. ³⁵Iok-hān chiū-sī teng, tiám tóh koh kng; lín cheng-goān chiām-sī hoaⁿ-hí i ê kng. ³⁶Chóng-sī goá ū kan-cheng, pí Iok-hān ê khah toā; in-ūi Pē só· kau-tāi goá lâi chiâⁿ ê sū, chiū-sī goá só· kiâⁿ chiaⁿ ê sū, kan-cheng goá sī Pē só· chhe ê. ³⁷Chhe goá ê Pē, I iah bat ūi-tiòh goá choē kan-cheng. Lín chiông-lâi m̄ bat thiaⁿ-kìⁿ I ê siaⁿ, iah m̄ bat khoàⁿ-kìⁿ I ê hêng-siōng. ³⁸Koh lín bô I ê tō-lí chūn tī lín, in-ūi I só· chhe ê, lín m̄ sìn I. ³⁹Lín káng-kiū chiaⁿ

ê sêng-keng, in-ūi phah-sêng hit tiong-kan lín ū éng-oáh; iáh ūi-tiòh goá choè kan-chèng ê, chiū-sī chiah ê sêng-keng; ⁴⁰lín iū bô beh chiū-kūn goá lâi tit-tiòh oáh. ⁴¹Goá bô tùi lāng siū êng-kng. ⁴²Chóng-sī goá chai lín bô ū Siōng-tè ê thiàⁿ tī lín ê sim. ⁴³Goá tī goá ê Pē ê m̄i lâi, lín m̄ chiap-láp goá; nā ū pát lāng tī ka-kī ê miâ lâi, lín beh chiap-láp i. ⁴⁴Lín t̄ai-ke saⁿ-kāng kiū êng-kng, m̄ kiū tùi tók-it ê Siōng-tè lâi ê êng-kng; cháiⁿ-iūⁿ oē sìn? ⁴⁵Bôh-tit phah-sêng goá beh tùi Pē kò lín; ū teh kò lín ê, chiū-sī lín só· oá-khò ê Mô-se. ⁴⁶Lín nā sìn Mô-se, iáh beh sìn goá, in-ūi i só· siá ê ū lūn goá. ⁴⁷Lín nā m̄ sìn i ê chheh, thái oē sìn goá ê oē ah?

6 Chiah ê sū í-āu, Iâ-so· kè-khì Ka-lī-lī hái hit pêng, chiū-sī Thê-pì-lí-a hái. ²Ū choē-choē lāng tè I, sī in-ūi khoàⁿ-kìⁿ I só· kiāⁿ tī pīⁿ lāng ê sîn-jiah. ³Iâ-so· chiūⁿ soaⁿ, kap I ê hák-seng chē tī hia. ⁴Poáⁿ-kè-choeh, chiū-sī Iū-thài lāng ê choeh, kūn lah. ⁵Iâ-so· kiáh bák khoàⁿ-kìⁿ choē-choē lāng chiū-kūn I, chiū k̄a Hui-lék kóng, Lán beh tùi tá-lòh boé piáⁿ lâi hō· chiah ê lāng chiáh ah? ⁶I kóng chit-ê sī teh chhì i; in-ūi I ka-kī chai só· beh kiāⁿ ê. ⁷Hui-lék ìn I kóng, Ēng n̄ng pah ê gūn-á lâi boé piáⁿ, iáh bô kàu-giáh hō· in ták lāng tit-tiòh tām-pòh. ⁸I ê hák-seng tiong chit lāng, chiū-sī Se-bûn Pí-tek ê hiaⁿ-tī, An-tek-liát, k̄a I kóng, ⁹Tī chia chit ê gín-ná ū gō· ê toā-béh piáⁿ, n̄ng bé hī; chóng-sī chiong chiah-ê hō· hiah choē lāng, ū kàu tá-lòh? ¹⁰Iâ-so· kóng, Lín kah hiah ê lāng chē-teh. Hit só·-chāi choē-choē chháu. Lāng chiū lóng chē, siàu-giáh iok-liók gō· chheng. ¹¹Iâ-so· thêh hiah ê piáⁿ; chiok-siā liáu-āu, chiū pun hō· chē ê lāng; hī iáh sī án-ni, lóng chiàu in só· ài. ¹²In í-keng chiáh pá, Iâ-so· k̄a I ê hák-seng kóng, Khiòh

só· chiáh chhun ê sut-á, bián-tit ū phah-súng, ¹³Chiū chiong só· chiáh chhun gō· ê toā-béh piáⁿ ê piáⁿ-chhùi, khiòh moá chap-jī kheng. ¹⁴Hiah ê lāng khoàⁿ-kìⁿ I só· kiāⁿ ê sîn-jiah, chiū kóng, Chit-ê chin-chiàⁿ sī só· beh lâi sè-kan ê sian-ti.

¹⁵Iâ-so· chai cheng lāng beh lâi, ài ngī-liáh I, hō· I choè ông, chiū koh thè-khì jíp soaⁿ, chí-ū I ka-kī tī hia.

¹⁶Hông-hun àm, I ê hák-seng lóh-khì kàu hái-piⁿ; ¹⁷chiūⁿ chūn, beh kè hái khì Ka-pek-lông. Í-keng àm, Iâ-so· iáu-bē kàu. ¹⁸In-ūi hong chin thàu, hái-éng chiū ná toā. ¹⁹Tùi án-ni hák-seng kò chūn, iok-liók kiāⁿ poeh lí, á chap lí, khoàⁿ-kìⁿ Iâ-so· kiāⁿ hái-bīn, ná oá-kūn chūn, chiū kiaⁿ. ²⁰Nā-sī Iâ-so· tùi in kóng, Sī goá, bián kiaⁿ. ²¹Hák-seng chiū hoaⁿ-hí chih-chiap I chiūⁿ chūn; chūn liām-piⁿ kàu in só· beh khì ê só·-chāi.

²²Keh jít, khiā tī hái hit pêng hoāⁿ ê cheng lāng, khoàⁿ-kìⁿ hit ūi bô pát chiah chūn-á, chí-ū chit chiah nā-tiāⁿ, koh Iâ-so· bô kap I ê hák-seng tah hit chiah chūn, chí-ū hák-seng ka-kī khì; ²³chóng-sī ū kúi chiah chūn-á tùi Thê-pì-lí-a lâi, kàu kūn tī Chú chiok-siā liáu-āu cheng lāng chiáh piáⁿ ê só·-chāi); ²⁴cheng lāng khoàⁿ-kìⁿ Iâ-so· kap I ê hák-seng lóng bô tī hia, chiū tah hit kúi chiah chūn-á, kàu Ka-pek-lông chhē Iâ-so·. ²⁵Í-keng tú-tiòh I tī hái ê hit pêng hoāⁿ, chiū k̄a I kóng, Liáp-pí, lí sím-mih sī kàu chia? ²⁶Iâ-so· ìn kóng, Goá sít-sít k̄a lín kóng, Lín chiah-ê chhē goá, m̄ sī in-ūi khoàⁿ-kìⁿ sîn-jiah, sī in-ūi chiáh piáⁿ kàu pá nā-tiāⁿ. ²⁷Bôh-tit ūi-tiòh oē pāi-hoài ê bí-niū lâi tiòh-boâ, tiòh ūi-tiòh tng-tng tī-teh éng-oáh ê bí-niū lâi tiòh-boâ, chiū-sī Jîn-chú só· beh hō· lín ê; in-ūi I sī Pē Siōng-tè só· khàm-ìn ê. ²⁸In chiū tùi I kóng, Goán tiòh

cháiⁿ-iūⁿ kiāⁿ, lâi choè Siōng-tè ê kang? ²⁹Iâ-so· ìn kóng, Sìn I só· chhe ê, chit-ê chiū-sī Siōng-tè ê kang. ³⁰In kā I kóng, Lí kiāⁿ sím-mih sîn-jiah, hō· goán khoàⁿ, lâi sìn lí ah? Lí kiāⁿ sím-mih ah? ³¹Goán ê chók· tī khòng-iá chiáh má-ná; chiàu só· kì-chài kóng, Ēng tùi thiⁿ lâi ê piáⁿ hō· in chiáh. ³²Iâ-so· kā in kóng, Goá sít-sít kā lín kóng, M̄ sī Mō-se ēng tùi thiⁿ lâi ê piáⁿ hō· lín, chiū-sī goá ê Pē ēng tùi thiⁿ lâi ê chin piáⁿ hō· lín. ³³In-ūi Siōng-tè ê piáⁿ, chiū-sī hit ê tùi thiⁿ lóh-lâi, iā ēng oáh-miā siúⁿ-sù sè-kan ê. ³⁴In chiū tùi I kóng, Chú ah, siōng-siōng ēng chit hō piáⁿ hō· goán. ³⁵Iâ-so· kā in kóng, Goá chiū-sī oáh-miā ê piáⁿ; chiū-kūn goá ê lāng koat-toàn boē iau, sìn goá ê lāng éng-éng boē chhui-ta. ³⁶Nā-sī goá bat kā lín kóng, Lín í-keng khoàⁿ-kìⁿ goá, iah iū-goân m̄ sìn. ³⁷Kìⁿ-nā Pē só· hō· goá ê, beh lóng chiū-kūn goá; chiū-kūn goá ê lāng, goá koat-toàn bô khi-sak i. ³⁸In-ūi goá tùi thiⁿ kàng-lóh m̄ sī kiāⁿ ka-kī ê chí-ì, chiū-sī kiāⁿ chhe goá ê chí-ì. ³⁹Taⁿ chhe goá ê chí-ì, chiū-sī kìⁿ-nā I só· hō· goá ê, goá bô sít-lóh chit-ê, sī tī boát-jit hō· i koh-oáh. ⁴⁰In-ūi goá ê Pē ê chí-ì chiū-sī kìⁿ-nā khoàⁿ-kìⁿ Kiáⁿ lâi sìn I ê lāng, lóng ū éng-oáh; iā goá tī boát-jit hō· i koh-oáh.

⁴¹Iū-thài lāng in-ūi Iâ-so· kóng, Goá sī tùi thiⁿ kàng-lóh ê piáⁿ, chiū ngáuh-ngáuh-liām I, kóng, ⁴²Chit-ê kiám m̄ sī Iok-sek ê kiáⁿ Iâ-so· mah? I ê pē-bú sī lán só· bat ê. Taⁿ cháiⁿ-iūⁿ kóng, Goá sī tùi thiⁿ kàng-lóh ah? ⁴³Iâ-so· ìn kóng, Lín bôh-tit án-ni ngáuh-ngáuh-liām. ⁴⁴Nā m̄ sī chhe goá ê Pē ín-chhoā i, chiū bô lāng oē chiū-kūn goá; chiū-kūn goá ê, goá tī boát-jit beh hō· i koh-oáh. ⁴⁵Tī chiah ê sian-ti ū kì-chài kóng, In lóng beh hō· Siōng-tè kà in. Kìⁿ-nā tùi Pē thiaⁿ-kìⁿ lâi óh ê lāng, chiū

chiū-kūn goá. ⁴⁶Che m̄ sī kóng ū lāng bat khoàⁿ-kìⁿ Pē, chí ū tùi Siōng-tè lâi ê, I bat khoàⁿ-kìⁿ Pē. ⁴⁷Goá sít-sít kā lín kóng, Sìn ê lāng ū éng-oáh. ⁴⁸Goá sī oáh-miā ê piáⁿ. ⁴⁹Lín ê chók· tī khòng-iá chiáh má-ná, in iah sí. ⁵⁰Chit-ê chiū-sī tùi thiⁿ kàng-lóh ê piáⁿ, hō· lāng chiáh ê, iā boē sí. ⁵¹Goá sī oáh ê piáⁿ, tùi thiⁿ kàng-lóh ê; lāng nā chiáh chit ê piáⁿ, chiū oáh kàu éng sè-tāi; koh goá só· beh hō· lāng ê piáⁿ, chiū-sī goá ê bah ūi-tiòh sè-kan ê oáh-miā chiah siúⁿ-sù ê.

⁵²Tùi án-ni Iū-thài lāng saⁿ-chiⁿ, kóng, Chit lāng thái oē ēng I ê bah hō· lán chiáh? ⁵³Iâ-so· chiū kā in kóng, Goá sít-sít kā lín kóng, Lín nā bô chiáh Jîn-chú ê bah, bô lim I ê huìh, chiū lín ê lâi-bîn bô oáh. ⁵⁴Chiah goá ê bah, lim goá ê huìh ê lāng ū éng-oáh; boát-jit goá beh hō· i koh-oáh. ⁵⁵Goá ê bah sī chin ê chiáh-mih, goá ê huìh sī chin-sít thang lim ê. ⁵⁶Chiah goá ê bah, lim goá ê huìh ê lāng, i tiām-tī goá, goá iah tiām-tī i. ⁵⁷Chhin-chhiūⁿ oáh ê Pē chhe goá, koh goá tùi Pē lâi oáh; chiáh goá ê, beh tùi goá lâi oáh, iah sī án-ni. ⁵⁸Che chiū-sī tùi thiⁿ kàng-lóh ê piáⁿ; m̄ sī chhin-chhiūⁿ liát-chók· ê chiáh má-ná, iā sí-khi; chiah chit ê piáⁿ ê lāng, beh oáh kàu éng sè-tāi. ⁵⁹Chiah ê oē sī Iâ-so· tiām tī Kappek-lóng hoē-tng lâi kà-sī lāng ê sí só· kóng ê.

⁶⁰I ê hák-seng tiong choē-choē lāng thiaⁿ-liáu chiū kóng, Chit ê oē chin oh; chī-chui oē thiaⁿ i? ⁶¹Iâ-so· sim-lāi chai I ê hák-seng in-ūi chit-ê ngáuh-ngáuh-liām, chiū kā in kóng, Chit-ê sī that-gāi-tiòh lín mah? ⁶²Siat-sú lín khoàⁿ-kìⁿ Jîn-chú chiūⁿ kàu i goân-pún ê só· chāi nih? ⁶³Hō· lāng oáh ê chiū-sī Sìn: jiók-thé chiū bô lī-ek; goá só· kā lín kóng ê oē sī sìn, sī oáh-miā. ⁶⁴Nā-sī lín tiong-kan ū m̄ sìn

ê lāng lah. In-ūi Iā-so· tui khí-thâu chiū chai chī-chūi m̄ sìn I, chī-chūi beh boē I. ⁶⁵Koh kóng, In-ūi án-ni, goá bat kā lín kóng, nā m̄ sī tui Pē hō· i, bô lāng oē chiū-kūn goá.

⁶⁶Tui án-ni I ê hák-seng choē-choē thè-khì, bô koh kap I kiāⁿ. ⁶⁷Iā-so· chiū kā chấp-jī ê hák-seng kóng, Lín iáh beh khì mah? ⁶⁸Se-bùn Pí-tek in I kóng, Chú ah, lí ū éng-oáh ê oē, goán beh khì chhē chī-chūi ah? ⁶⁹Goán í-keng sìn, koh chai lí sī Siōng-tè ê Sèng-ê. ⁷⁰Iā-so· in kóng, Goá kiám m̄ sī keng lín chấp-jī lāng, iáh lín tiong-kan chit-ê sī mô·kúi ah? ⁷¹I kóng án-ni sī chí Ka-liók lāng Se-bùn ê kiáⁿ Iū-tāi, in-ūi i sī chấp-jī hák-seng ê chit-ê teh-beh boē I ê.

7 Chiah ê sū í-āu, Iā-so· sì-koē kiāⁿ tī Ka-lī-lī, m̄ ài kiāⁿ tī Iū-thài, in-ūi Iū-thài lāng ài beh thài I. ²Hit sī Iū-thài lāng ê choeh, chiū-sī tah-liâu-choeh, kūn lah. ³I ê hiaⁿ-tī chiū tui I kóng, Lí tióh lī-khui chia, khì Iū-thài, hō· lí ê hák-seng iáh thang khoàⁿ-kìⁿ lí só· kiāⁿ ê sū. ⁴Lāng ài chhut-miá, chiū bô tī àm-chīⁿ ê só·chāi choē tãi-chì. Lí nā kiāⁿ chiah ê sū, chiū tióh chiong ka-kī hián-bēng tī sè-kan. ⁵In-ūi I ê hiaⁿ-tī iáh bô sìn I. ⁶Iā-so· chiū kā in kóng, Goá ê sī iáu-bē kàu; nā-sī lín ê sī siōng-siōng piān. ⁷Sè-kan boē-oē oàn-hūn lín; sī oàn-hūn goá, in-ūi goá kan-chèng i ê só· kiāⁿ sī pháiⁿ. ⁸Lín chiūⁿ-khì hù choeh; goá iáu-bē thang chiūⁿ-khì hù chit ê choeh; in-ūi goá ê sī iáu-bē moá. ⁹Í-keng kā in kóng án-ni, chiū iū-goân tiàm Ka-lī-lī.

¹⁰I ê hiaⁿ-tī í-keng chiūⁿ-khì hù choeh, I pún-sin iáh chiūⁿ-khì, m̄ sī hián-jiân, sī chhin-chhiūⁿ àm-chīⁿ. ¹¹Iū-thài lāng tī choeh-kí tiong chhē Iā-so· kóng, I tī tá-lòh? ¹²Chèng lāng ūi-tiòh I choē-choē chī-bú chī-chū; ū-ê kóng, sī hó lāng; ū-ê kóng, M̄ sī, sī bē-hèk

chèng lāng nā-tiāⁿ. ¹³Tók-tók bô lāng hián-jiân kóng I ê sū, in-ūi kiaⁿ Iū-thài lāng ê iân-kò.

¹⁴Tng choeh-kí ê tiong-chām Iā-so· chiūⁿ tiān kà-sī. ¹⁵Iū-thài lāng chiū kí-koài, kóng, Chit ê lāng bē ū jíp óh, tui tá-lòh bat chheh? ¹⁶Iā-so· chiū in kóng, Goá ê kà-sī m̄ sī siók tī ka-kī, sī siók tī chhe goá ê. ¹⁷Lāng nā goân kiāⁿ I ê chí-ì, chiū oē chai chit ê kà-sī sī tui Siōng-tè chhut, á-sī goá tui ka-kī lâi kóng ê. ¹⁸Tui ka-kī lâi kóng ê, sī kiú ka-kī ê éng-kng; tók-tók kiú chhe i ê éng-kng, hit ê lāng chiū-sī chin, iáh i ê lâi-bīn bô put-gī. ¹⁹Mô·se kiám bô éng lút-hoat thoân hō· lín mah? Nā-sī lín tiong-kan bô chit lāng kiāⁿ lút-hoat. Lín siáⁿ-sū ài beh thài goá? ²⁰Chèng lāng in kóng, Lí hoân-tiòh kúi, chī-chūi ài beh thài lí? ²¹Iā-so· in kóng, Goá bat kiāⁿ chit hāng sū, lín lóng liáh choē kí-koài. ²²In-ūi án-ni Mô·se éng kat-lé thoân hō· lín, (kí-sít m̄ sī tui Mô·se, sī tui liát-chó·); iáh lín tī an-hioh-jít kā lāng kiāⁿ kat-lé. ²³Lāng nā tī an-hioh-jít siū kat-lé, bián-tit ūi-kéh Mô·se ê lút-hoat; chiū goá tī an-hioh-jít hō· chit lāng choân-thé lóng hó, lín in-ūi án-ni siū-khì goá mah? ²⁴Bóh-tit chiàu goā-māu lâi gí-toàn, tióh thàn kong-gī lâi gí-toàn.

²⁵Tui án-ni Iā-lō·sat-léng ê lāng, ū-ê kóng, Chit-ê kiám m̄ sī in só· ài thài ê mah? ²⁶Lí khoàⁿ, I hó-táⁿ teh kóng, iáh bô lāng tui I kóng sím-mih. Kiám sī chiah ê koaⁿ-hú chin-chiàⁿ chai chit-ê sī Kí-tok mah? ²⁷Nā-sī lán bat chit ê lāng tui tá-lòh lâi; m̄ kú Kí-tok lâi ê sī bô lāng chai I tui tá-lòh lâi. ²⁸Tui án-ni Iā-so· tī tiān-nih kà-sī, kiò kóng, Lín bat goá, iáh chai goá tui tá-lòh lâi; goá m̄ sī chū-choan lâi, chhe goá lâi ê sī chin-sít, lín m̄ bat I. ²⁹Goá bat I; in-ūi goá tui I lâi, iáh I chhe

goá. ³⁰In chiū ài beh liáh I; chóng-sī bô lâng hē chhiú, in-ūi I ê sī iáu-bē kàu. ³¹Chèng lâng tiong choē-choē lâng sìn I, kóng, Ki-tok lâi ê sī, kiám beh kiâⁿ sìn-jiah pí chit lâng só· kiâⁿ ê khah choē mah? ³²Hoat-lī-sài lâng thiaⁿ-kìⁿ chèng lâng án-ni chī-bú chī-chū teh kóng I, chiū chiah ê chè-si-thâu kap Hoat-lī-sài lâng chhe gê-iáh beh liáh I. ³³Iâ-so· chiū kóng, Goá iáu ū tiap-á kú kap lín tī-teh, āu-lâi beh tò-khì chiū-kūn chhe goá ê. ³⁴Lín beh chhē goá, iáh chhē boē tióh; goá só· toà ê só·-chāi, lín boē-oē kàu. ³⁵Iū-thài lâng chiū saⁿ-kap kóng, I beh tá-lóh khi, tì-kàu lán chhē I boē tióh? kiám beh chiū-kūn Hi-lī-ni tiong sì-soàⁿ khiā-khí ê Iū-thài lâng, lâi kà-sī Hi-lī-ni lâng mah? ³⁶I só· kóng, Lín beh chhē goá boē tióh; goá só· toà ê só·-chāi, lín boē-oē kàu; che sī sím-mih oē ah?

³⁷Tng choeh-kī ê bé jlt, chiū-sī siōng toā ê jlt, Iâ-so· khiā-teh, kiò kóng, Nā ū chhui-ta ê lâng, tióh chiū-kūn goá lâi lim. ³⁸Sìn goá ê lâng, chhin-chhiūⁿ sèng-keng só· kóng, ū oáh chúí ê khoe, beh tui i ê pak-lâi lâu-chhut. ³⁹I kóng án-ni sī chí sìn I ê lâng só· beh siū ê Sèng Sìn; hit sī bē ū siūⁿ-sù Sèng Sìn; in-ūi Iâ-so· bē ū tit-tiòh êng-kng. ⁴⁰Chèng lâng tiong ū ê thiaⁿ-kìⁿ chiah ê oē lâi kóng, Chit lâng chin-chiàⁿ sī hit ê sian-ti. ⁴¹Ū-ê kóng, Chit lâng chiū-sī Ki-tok. Nā-sī ū-ê kóng, Ki-tok kiám tui Ka-lī-lī chhut mah? ⁴²Sèng-keng kiám bô kóng, Ki-tok sī Tāi-pit ê hō·-è, tui Tāi-pit ê pún huiⁿ Pek-lī-hêng chhut mah? ⁴³Tui án-ni chèng lâng in-ūi I lâi hun-pêng. ⁴⁴Ki-tiong ū lâng ài liáh I; chóng-sī bô lâng hē chhiú.

⁴⁵Gê-iáh chiū lâi kìⁿ chiah ê chè-si-thâu kap Hoat-lī-sài lâng; in chiū tui gê-iáh kóng, Siáⁿ-sū bô toà I lâi? ⁴⁵Gê-iáh in kóng, Chiông-lâi bē ū lâng kóng oē chhin-chhiūⁿ I án-ni.

⁴⁷Hoat-lī-sài lâng in kóng, Lín iáh siū bê-hék mah? ⁴⁸Chiah ê koaⁿ-hú á-sī Hoat-lī-sài lâng, kiám ū lâng sìn I? ⁴⁹Tòk-tòk chiah-ê m̄ bat lút-hoat ê peh-siⁿ, sī siū chiū-chó· ê. ⁵⁰In tiong-kan ū Nī-ko-tí-bó·, chiū-sī chèng chiū-kūn Iâ-so· ê, ká in kóng, ⁵¹Bô tãi-seng thiaⁿ lâng ê oē, lâi chai i ê só· kiâⁿ; lán ê lút-hoat kiám ū tēng i ê choē mah? ⁵²In chiū in i kóng, Lí iáh sī tui Ka-lī-lī chhut mah? Lí khi chhâ-khó, chiū chai Ka-lī-lī bô chhut sian-ti.

8 Ták lâng chiū tò-khì in tau; Iâ-so· khi Kaⁿ-ná soaⁿ. ²Thàu-chá koh kàu tī tiān-nih, peh-siⁿ lóng chiū-kūn I; I chiū chē-teh lâi kà-sī in. ³Keng-hák-sū kap Hoat-lī-sài lâng toà chit ê hū-jîn-lâng lâi, sī tī kiâⁿ kan-îm ê sī hō· lâng liáh-tiòh-ê; ⁴í-keng hō· i khiā tī tiong-ng, in chiū tui Iâ-so· kóng, Sian-siⁿ, chit ê hū-jîn-lâng sī tú-tú kiâⁿ kan-îm ê sī hō· lâng liáh-tiòh. ⁵Mô·se tī lút-hoat bēng-lēng goán ēng chiòh-thâu tìm-sí chit hō· ê hū-jîn-lâng, taⁿ lí kóng cháiⁿ-iūⁿ? ⁶In kóng án-ni sī beh chhi Iâ-so·, ài tit-tiòh ū phāng thang kò I. Iâ-so· chiū àⁿ io, ēng chúg-thâu-á siá-jī tī thô-kha. ⁷In iū-goân m̄ng I bô soah. Iâ-so· chiū thēng sin khí-lâi, tui in kóng, Lín tiong-kan bô choē ê lâng thang tãi-seng ēng chiòh-thâu tìm i. ⁸Chiū koh àⁿ io, ēng chúg-thâu-á siá-jī tī thô-kha. ⁹In thiaⁿ-liáu, tui lâu kàu siàu-liân, chit-ê chit-ê lóng chhut-khì; chí-ū Iâ-so· ka-kī tī-teh, hū-jîn-lâng iū-goân khiā tī tiong-ng. ¹⁰Iâ-so· thēng sin khí-lâi ká i kóng, Hū-jîn-lâng ah, in tī tá-lóh? Bô lâng tēng lí ê choē mah? ¹¹I kóng, Chú ah, bô. Iâ-so· kóng, Goá iáh bô tēng lí ê choē; khi ah; taⁿ í-āu bôh-tit koh hoān-choē.

¹²Iâ-so· koh ká chèng lâng kóng, Goá sī sè-kan ê kng; tè goá ê lâng bô kiâⁿ tī àm, hoán-túg beh ū oáh-miā ê kng. ¹³Hoat-lī-sài

lâng chiū kā I kóng, Lí ũi-tiòh pún-sin choè kan-chèng; lí ê kan-chèng m̄ sī chin. ¹⁴Iâ-so· ìn kóng, Goá sui-bóng ũi-tiòh pún-sin choè kan-chèng, goá ê kan-chèng iah sī chin; in-ũi goá chai pún-sin tui tá-lòh lăi, tui tá-lòh khi. ¹⁵Lín chiàu jiok-thé gí-toàn lâng; goá bô gí-toàn lâng. ¹⁶Goá chiū nā gí-toàn, goá ê gí-toàn sī chin; in-ũi goá m̄ sī ka-kī tī-teh, sī goá kap chhe goá ê Pē saⁿ-kap tī-teh. ¹⁷Koh tī lín ê lút-hoat ũ kī-chài, Nng lâng ê kan-chèng chiū-sī chin. ¹⁸Goá sī ũi-tiòh ka-kī choè kan-chèng, chhe goá ê Pē iah ũi-tiòh goá kan-chèng. ¹⁹In chiū kā i kóng, Lí ê Pē tī tá-lòh? Iâ-so· ìn kóng, Lín m̄ bat goá, iah m̄ bat goá ê Pē; lín nā bat goá, chiū iah bat goá ê Pē. ²⁰Iâ-so· tī tiān-nh̄h kà-sī lâng, tī khò·-pang lăi kóng chiaⁿ ê oē; iah bô lâng iah I, in-ũi I ê sī iáu-bē kàu.

²¹Iâ-so· koh kā in kóng, Goá beh khi lah, lín beh chhē goá, iah beh sí tī lín ê choē; goá khi ê só·-chài, lín boē-oē kàu. ²²Iū-thài lâng chiū kóng, I kóng, Goá khi ê só·-chài, lín boē-oē kàu, kiám sī beh chū-chīn mah? ²³Iâ-so· kā in kóng, Lín sī tui ē-bīn, goá sī tui téng-bīn; lín sī tui chit sè-kan; goá m̄ sī tui chit sè-kan. ²⁴Só·-í goá ũ kā lín kóng, lín beh sí tī lín ê choē; in-ũi lín nā m̄ sìn goá sī I, chiū lín beh sí tī lín ê choē. ²⁵In chiū kā I kóng, Lí sī chī-chui? Iâ-so· kā in kóng, Chiū-sī goá tui khí-thâu só· kā lín kóng ê. ²⁶Goá ũ choē-choē hāng beh gī-lūn lín, beh phòⁿ-toàn lín; tók-tók chhe goá ê sī chin; goá só· tui I thiaⁿ-kìⁿ ê, chiū thoan hō· sè-kan. ²⁷In m̄ chai I só· tui in kóng ê sī chí Pē. ²⁸Iâ-so· chiū kóng, Lín kú-khi Jīn-chú ê sī, chiū chai goá sī I, iah goá só· kiāⁿ ê bô chit hāng tui ka-kī; sī chiàu Pē só· kà-sī goá ê, lăi kóng chiaⁿ-ê. ²⁹Chhe goá ê kap goá tī-teh; I bô pang goá ka-kī tī-teh; in-

ũi goá siōng-siōng kiāⁿ I só· hoaⁿ-hí ê. ³⁰Tng Iâ-so· kóng chiaⁿ ê oē ê sī, choē-choē lâng sìn I.

³¹Iâ-so· chiū tui sìn I ê Iū-thài lâng kóng, Lín nā siōng-siōng tiām tī goá ê tō-lí, chiū chin-chiāⁿ sī goá ê hāk-seng; ³²Lín beh bat chin-lí, iah chin-lí beh hō· lín chū-iū. ³³In ìn I kóng, Goán chiaⁿ-ê sī A-pek-láh-hán ê hō·-è, chiōng-lăi bē bat choè lâng ê lô·-chài; lí cháiⁿ-iūⁿ kóng, Lín beh tit-tiòh chū-iū ah? ³⁴Iâ-so· ìn kóng, Goá sít-sít kā lín kóng, Kìⁿ-nā hoan choē ê, chiū-sī choē ê lô·-chài. ³⁵Lô·-chài bô éng-éng toà tī ke-lăi; kiáⁿ chiū éng-éng toà. ³⁶Só·-í Kiáⁿ nā hō· lín chū-iū, lín chiū chin-chiāⁿ chū-iū. ³⁷Goá chai lín sī A-pek-láh-hán ê hō·-è; tók-tók lín ài beh thài goá, in-ũi goá ê tō-lí bô chūn tī lín ê sim. ³⁸Goá tui goá ê Pē khoàⁿ-kìⁿ ê, goá chiū kóng i; lín tui lín ê pē thiaⁿ-kìⁿ ê, lín chiū kiāⁿ i. ³⁹In ìn I kóng, Goán ê pē chiū-sī A-pek-láh-hán. Iâ-so· kā in kóng, Lín nā sī A-pek-láh-hán ê kiáⁿ, chiū beh kiáⁿ A-pek-láh-hán ê só· kiāⁿ. ⁴⁰Taⁿ goá sī chiong goá tui Siōng-tè só· thiaⁿ ê chin-lí lăi kā lín kóng ê lâng, iah lín ài beh thài goá; che m̄ sī A-pek-láh-hán ê só· kiāⁿ. ⁴¹Lín sī kiāⁿ lín ê pē ê só· kiāⁿ. In kā I kóng, Goán m̄ sī tui kan-îm lăi siⁿ; goán ũ chit ê Pē, chiū-sī Siōng-tè. ⁴²Iâ-so· kā in kóng, Nā sī Siōng-tè choè lín ê Pē, lín chiū thiàⁿ goá; in-ũi goá sī tui Siōng-tè chhut; iah lăi kàu chia, m̄ sī chū-choan lăi, sī I chhe goá. ⁴³Lín bô beng goá ê oē sī cháiⁿ-iūⁿ? Sī in-ũi lín boē-oē thiaⁿ goá ê tō-lí. ⁴⁴Lín só· tui i chhut ê pē, chiū-sī Mô·-kúi; lín ê pē ê su-iók, lín ài beh kiāⁿ i. I tui khí-thâu choè thài-lâng ê, bô khiā-tiâu tī chin-lí, in-ũi i lăi-bīn bô chin-lí. I kóng pēh-chhát ê sī, chiū-sī tui ka-kī só· ũ ê lăi kóng; in-ũi i sī pēh-chhát ê, iah choè pēh-chhat ê pē. ⁴⁵In-ũi goá kóng

chin-lí, lín m̄ sìn goá. ⁴⁶Lín tiong-kan chī-chūi
 gí goá ū choē? Goá nā kóng chin-lí, lín siáⁿ-
 sū m̄ sìn goá? ⁴⁷Tùì Siōng-tè chhut-ê thiaⁿ
 Siōng-tè ê oē; lín só·-í m̄ thiaⁿ, in-tūi lín m̄ sī
 tùì Siōng-tè chhut. ⁴⁸Iū-thài lāng ìn I kóng,
 Goán kóng lí sī Sat-má-lī-a lāng, koh hoān-
 tiòh kúì, kiám bô chin tiòh? ⁴⁹Iā-so· ìn kóng,
 Goá m̄ sī hoān-tiòh kúì; goá sī chun-keng goá
 ê Pē, nā-sī lín bú-bān goá. ⁵⁰Goá bô kiū ka-
 kī ê êng-kng; ū chit-ê teh thoē goá kiū koh
 sím-phoàⁿ ê. ⁵¹Goá sít-sít kā lín kóng, Lāng
 nā siú goá ê tō-lí, chiū éng-oán bô kīⁿ-tiòh
 sí. ⁵²Iū-thài lāng kā I kóng, Taⁿ goán chai
 lí sī hoān-tiòh kúì. A-pek-lāh-hán sí, chiah ê
 sian-ti iáh sí, nā-sī lí kóng, Lāng nā siú goá ê
 tō-lí, chiū éng-oán bô sí. ⁵³Lí kiám pí goán ê
 chó· A-pek-lāh-hán khah toā mah? í keng sí,
 chiah ê sian-ti iáh sí, lí ka-kī sng choē sím-mih
 lāng ah? ⁵⁴Iā-so· ìn kóng, Goá nā êng-kng ka-
 kī, goá ê êng-kng chiū m̄ chiūⁿ-sng; êng-kng
 goá ê sī goá ê Pē; chiū-sī lín só· kóng choē lín
 ê Siōng-tè ê. ⁵⁵Lín m̄ bat I; tók-tók goá bat I;
 goá nā kóng, M̄ bat I, chiū goá sī pēh-chhát
 chhin-chhiūⁿ lín; tók-tók goá bat I, iáh siú I ê
 tō-lí. ⁵⁶Lín ê chó· A-pek-lāh-hán kék hoaⁿ-hí,
 sī beh khoàⁿ-kìⁿ goá ê jít-chí; khoàⁿ-kìⁿ, chiū
 hoaⁿ-hí. ⁵⁷Iū-thài lāng chiū tùì I kóng, Lí bē
 chiūⁿ gō·cháp hē, kiám bat khoàⁿ-kìⁿ A-pek-
 lāh-hán mah? ⁵⁸Iā-so· kā ìn kóng, Goá sít-sít
 kā lín kóng, Bē ū A-pek-lāh-hán, goá chiū tī-
 teh. ⁵⁹In chiū thēh chiòh-thâu beh tìm I; nā-sī
 Iā-so· ka-kī ún-bát, tùì tiān-tng chhut-khì.

9 Iā-so· kiáⁿ kē ê sī, khoàⁿ-kìⁿ chit lāng
 chhut-si chiū chhiⁿ-mī. ²I ê hák-seng mng I
 kóng, Liáp-pí, chit lāng chhut-si chiū chhiⁿ-
 mī, tùì chī-chūi hoān-choē, sī i pún-sin, á-sī
 i ê pē-bú ah? ³Iā-so· ìn kóng, Chit lāng bô
 hoān-choē, i ê pē-bú iáh bô; tók-tók beh ēng

i lāi hián-bēng Siōng-tè ê só· choē. ⁴Sī iáu sī
 jít-sī, lán tiòh choē chhe goá ê ê kang; mī-sī
 beh kàu, hit tiáp chiū bô lāng oē choē kang.
⁵Goá tī sē-kan ê sī, sī sē-kan ê kng. Chiah ê
 oē kóng-liáu, chiū phui noā tī thô·-kha, ēng
 noā kiáu thô·, ēng thô· kô· chhiⁿ-mī lāng ê
 bák-chiu, kā i kóng, Khì soé tī Se-lô-a ê tī.
 (Se-lô-a, hoan-ék chiū-sī Hōng-chhe). ⁷I chiū
 khì soé, tò-túg-lái í-keng oē khoàⁿ-kìⁿ. ⁸I ê
 chhū-piⁿ kap pēng-sò· khoàⁿ-kìⁿ i choē khít-
 chiah ê, kóng, chit lāng kiám m̄ sī chē-teh lāi
 kiū-khit ê mah? ⁹Ū lāng kóng, Chiū-sī i; ū
 lāng kóng, M̄ sī, sī chhin-chhiūⁿ i nā-tiāⁿ. I
 ka-kī kóng, Goá chiū-sī. ¹⁰In chiū kā i kóng,
 Lí ê bák-chiu cháiⁿ-iūⁿ tit-tiòh khui? ¹¹I ìn
 kóng, Hit ê miā kiò Iā-so· ê kiáu thô· kô· goá
 ê bák-chiu, kā goá kóng, Khì Se-lô-a soé; goá
 sūi-sī khì soé, chiū tit-tiòh khoàⁿ-kìⁿ. ¹²In
 chiū kā i kóng, Hit lāng tī tá-lòh? I kóng,
 Goá m̄ chai.

¹³In chhoā hit-ê pēng-sò· chhiⁿ-mī ê khì kīⁿ
 Hoat-lī-sài lāng. ¹⁴Iā-so· kiáu thô· lāi khui i ê
 bák-chiu ê jít sī an-hioh-jít. ¹⁵Só·-í Hoat-lī-sài
 lāng iáh mng i sī cháiⁿ-iūⁿ tit-tiòh khoàⁿ-kìⁿ.
 I chiū kā ìn kóng, I chiong thô·-bē hē tī goá ê
 bák-chiu, goá khì soé, chiū khoàⁿ-kìⁿ. ¹⁶Hoat-
 lī-sài lāng tiong ū-ê kóng, Chit lāng bô siú
 an-hioh-jít, m̄ sī tùì Siōng-tè lāi. Ū-ê kóng, Ū
 choē ê lāng thái oē kiáⁿ chit hō sîn-jiah ah?
 In tùì án-ni hun-pēng. ¹⁷In koh kā chhiⁿ-mī
 lāng kóng, I í-keng khui lí ê bák-chiu, lí kóng
 I sī sím-mih hō lāng? I kóng, Sī sian-ti lāng.
¹⁸Iū-thài lāng m̄ sìn i pēng-sò· chhiⁿ-mī, oē
 koh khoàⁿ-kìⁿ; kàu kiò tit-tiòh khoàⁿ-kìⁿ ê ê
 pē-bú lāi, ¹⁹chiū mng ìn kóng, Chit-ê sī lín ê
 kiáⁿ, chiū-sī lín só· kóng chhut-si chhiⁿ-mī ê
 mah? taⁿ i cháiⁿ-iūⁿ oē khoàⁿ-kìⁿ? ²⁰I ê pē-
 bú ìn kóng, I sī goán ê kiáⁿ, chhut-si chhiⁿ-

mî, goán chai; taⁿ i cháiⁿ-iūⁿ tit-tiòh khoàⁿ-kìⁿ, goán m̄ chai; ²¹chī-chūi khui i ê bák-chiu, goán iáh m̄ chai; i toā-hàn lah; m̄ng i, i beh ka-kī kóng. ²²I ê pē-bú kóng án-ni, sī in-ūi kiaⁿ Iū-thài lāng; in-ūi Iū-thài lāng í-keng ū tēng iok, nā ū jīm Iā-so· choē Ki-tok ê, tiòh kek-chhut hoē-tēng. ²³Só·í i ê pē-bú kóng, I toā-hàn lah; thang m̄ng i. ²⁴In chiū koh kiò pēng-sò· chhiⁿ-mî ê, kā i kóng, Tiòh kui êng-kng Siōng-tè; goán chai chit lāng sī ū choē ê lāng. ²⁵I chiū in kóng, I sī ū choē ê lāng á m̄ sī, goá m̄ chai; chí-ū chai chit hāng, chiū-sī goá chēng chhiⁿ-mî, hiān-kim oē khoàⁿ-kìⁿ. ²⁶In chiū kā i kóng, I kā lí choē sím-mih? àn-cháiⁿ-iūⁿ khui lí ê bák-chiu? ²⁷In kóng, Goá í-keng kā lín kóng, lín m̄ thiaⁿ; siáⁿ-sū ài koh thiaⁿ? kiám sī lín iáh ài choē I ê hák-seng mah? ²⁸In chiū mē i, kóng, Lí chiū-sī I ê hák-seng; goán sī Mô·se ê hák-seng. Siōng-tè ū tui Mô·se kóng oē, sī goán só· chai; tók-tók chit lāng, goán m̄ chai I tui tá-lòh lāi. ³⁰Hit lāng in kóng, Che chiū kī lah, I khui goá ê bák-chiu, iáh lín m̄ chai I tui tá-lòh lāi. ³¹Lán chai Siōng-tè bô thiaⁿ ū choē ê lāng; tók-tók lāng nā keng-pài Siōng-tè lāi kiāⁿ I ê chí-ì, I chiū thiaⁿ i. ³²Tui kó·chá í-lāi, bē bat thiaⁿ-kìⁿ chhut-sì chhiⁿ-mî ê, ū lāng khui i ê bák-chiu. ³³Chit lāng nā m̄ sī tui Siōng-tè lāi, chiū bô só· oē choē. ³⁴In chiū in i, kóng, Lí choân-jian chhut-sì tī choē-ok tiong, hoán-tng kà-sī goán mah? Chiū kek i chhut.

³⁵Iā-so· thiaⁿ-kìⁿ in kek i chhut; āu-lāi chhē-tiòh i, chiū kóng, Lí sìn Siōng-tè ê Kiáⁿ mah? ³⁶I in kóng, Chú ah, I sī chī-chūi, hō· goá sìn I? ³⁷Iā-so· kā i kóng, Lí bat khoàⁿ-kìⁿ I, hiān-chāi kap lí kóng oē ê, chiū-sī. ³⁸I chiū kóng, Chú ah, goá sìn. Chiū pài I. ³⁹Iā-so· kóng, Goá in-ūi sím-phoàⁿ līm-kàu chit

sè-kan, hō· boē khoàⁿ-kìⁿ ê lāng khoàⁿ-kìⁿ; iā khoàⁿ-kìⁿ ê lāng pìn-choē chhiⁿ-mî. ⁴⁰Kap I saⁿ-kap tī-teh ê Hoat-lī-sài lāng thiaⁿ-kìⁿ chiaⁿ ê oē, chiū kā I kóng, Chóng bô goán iáh chhiⁿ-mî mah? ⁴¹Iā-so· kā in kóng, Lín nā chhiⁿ-mî, chiū bô choē; taⁿ lín kóng, Goán khoàⁿ-kìⁿ; chiū lín ê choē tiāⁿ-tiāⁿ tī-teh.

10 Goá sít-sít kā lín kóng, Jlp iūⁿ-tiâu, bô tui hit ê m̄ng, lāi tui pát só·chāi poāⁿ-kè ê, sī chhát, sī kiōng-tō. ²Tui m̄ng jlp ê, sī iūⁿ ê bók-chiá. ³Kò· m̄ng ê kā i khui; iūⁿ thiaⁿ i ê siaⁿ; chiū sūi miā kiò ka-kī ê iūⁿ, chhoā in chhut. ⁴Í-keng chiong ka-kī ê iūⁿ lóng pàng i chhut-khì, chiū choē-thâu kiāⁿ, iūⁿ iáh tè i; in-ūi jīm-tit i ê siaⁿ. ⁵Koat-toàn bô tè siⁿ-hūn lāng, chiū-sī siám-pī i; in-ūi boē jīm-tit siⁿ-hūn lāng ê siaⁿ. ⁶Iā-so· ēng chit ê phì-jū kā in kóng; in m̄ chai I só· kā in kóng ê sī sím-mih.

⁷Só·í Iā-so· koh kā in kóng, Goá sít-sít kā lín kóng, Goá chiū-sī iūⁿ-tiâu ê m̄ng. ⁸Kìⁿ-nā tāi-seng goá lāi ê sī chhát, sī kiōng-tō; nā-sī iūⁿ bô thiaⁿ in. ⁹Goá chiū-sī m̄ng; nā ū tui goá jlp ê, beh tit-tiòh kiū, koh beh chhut jlp, iáh beh tit-tiòh chháu-liāu. ¹⁰Chhát lāi, bô m̄ sī ài thau, ài thài, ài biát-bô; goá lāi sī beh hō· in ū oáh, koh ū hong-sēng. ¹¹Goá chiū-sī hó ê bók-chiá; hó ê bók-chiá ūi-tiòh iūⁿ pàng-sak siⁿ-miā. ¹²Choē chhiàⁿ-kang ê, m̄ sī choē bók-chiá, iūⁿ iā m̄ sī i ka-kī ê iūⁿ; khoàⁿ-kìⁿ chhài-lông lāi, pàng-sak iūⁿ chiū tô-cháu, chhài-lông kā in, koáⁿ-soàⁿ in; che sī in-ūi i choē chhiàⁿ-kang, bô koan-sim tī iūⁿ. ¹⁴Goá sī hó ê bók-chiá; goá bat hiah ê siók goá ê, siók goá ê iáh bat goá. ¹⁵Chhin-chhiūⁿ Pē bat goá, goá bat Pē chit iūⁿ; koh goá ūi-tiòh iūⁿ pàng-sak siⁿ-miā. ¹⁶Goá iáu ū iūⁿ, m̄ sī siók chit tiâu ê; goá tek-khak tiòh chhoā in

lâi, in iáh beh thiaⁿ goá ê siaⁿ; koh beh chiâⁿ choê chít kûn, kui chít ê bók-chiá. ¹⁷Só·í Pē thiàⁿ goá, in-ūi goá pàng-sak goá ê sîⁿ-miā, thang koh hók-tò i. ¹⁸Bô lāng tui goá chhú i, sī goá ka-kī pàng-sak i. Goá ū koān thang pàng-sak iáh ū kâon thang hók-tò. Che sī goá tui goá ê Pē só· siū ê bēng-lēng.

¹⁹In-ūi chiaⁿ ê oē Iū-thài lāng ê tiong-kan koh ū hun-pēng. ²⁰Ki-tiong choē-choē lāng kóng, I hoān-tiōh kúi, teh hoat-kōng; mih-sái thiaⁿ I ah? ²¹Koh ū lāng kóng, Che m̄ sī hoān-tiōh kúi ê lāng ê oē. Kúi kiám oē khui chhiⁿ-mī lāng ê bák-chiu mah?

²²Tī Iā-lō·sat-léng, ū hiàn-tiān choeh, sī tang-thiⁿ sī; ²³Iā-so· tī tiān-nih, kiāⁿ tī Só·lô-būn ê léng-lōng. ²⁴Iū-thài lāng ūi-lūi, lâi ká I kóng, Lí hō· goán ê sim tiū-tū, beh kàu sím-mih sī ah? ²⁵Lí nā sī Ki-tok, tiōh bēng-bēng ká goán kóng. Iā-so· in kóng, Goá bat ká lín kóng, nā-sī lín m̄ sìn; goá tī goá ê Pē ê miā só· kiāⁿ ê sū, chiaⁿ-ê sī choē goá ê kan-chèng. ²⁶Nā-sī lín m̄ sìn, in-ūi lín m̄ sī goá ê iūⁿ. ²⁷Goá ê iūⁿ thiaⁿ goá ê siaⁿ, goá bat in, in iáh tè goá; ²⁸koh goá hō· in ū éng-oáh; in koat-toàn éng-oán boē tim-lūn; bô chít-ê oē tui goá ê chhiú chhiúⁿ in khi. ²⁹Goá ê Pē, chiū-sī ēng iūⁿ hō· goá ê, khah toā bān-hāng-ū; bô chít-ê oē tui Pē ê chhiú chhiúⁿ-khi. ³⁰Goá kap Pē sī chít-ê. ³¹Iū-thài lāng koh thēh chiōh-thâu ài tìm I. ³²Iā-so· in kóng, Goá tui Pē ēng choē-choē hó sū hō· lín khoàⁿ; ki-tiong ūi-tiōh tá-lōh chít hāng, ēng chiōh-thâu tìm goá? ³³Iū-thài lāng in I kóng, Goán ēng chiōh tìm lí, m̄ sī ūi-tiōh hó sū, chiū-sī ūi-tiōh siat-tók; in-ūi lí sī lāng, iáh ka-kī liáh choē Siōng-tè. ³⁴Iā-so· in kóng, Lín ê lūt-hoat kiám bô kì-chài, kóng, Goá kóng lín sī siōng-tè mah? ³⁵Kì-jiân kóng hōng Siōng-tè ê oē ê

choē siōng-tè, (iáh sēng-keng boē-oē hoē-bô), taⁿ lūn Pē só· hun-piat choē sēng, chhe I jíp sē-kan ê, lín chiū kóng, Lí teh siat-tók mah? in-ūi goá kóng, Goá sī Siōng-tè ê Kiáⁿ. ³⁷Goá nā bô kiāⁿ goá ê Pē ê sū, chiū bók-tit sìn goá. ³⁸Goá nā kiāⁿ i, sui-bóng m̄ sìn goá, tiōh sìn hiah ê sū; hō· lín iā chai iā bēng-pék Pē tiām-tī goá, goá tiām-tī Pē. ³⁹In koh-chài beh liáh Iā-so·, I chiū thoat-lī in ê chhiú khi.

⁴⁰Koh khi Iok-tàn goā, kàu Iok-hān khi-thâu kiāⁿ soé-lé ê só·chāi, toà hia khiā-khi. ⁴¹Lāng choē-choē chiū-kūn I; koh kóng, Iok-hān lóng bô kiāⁿ sīm-jiah, tók-tók Iok-hān só· kóng chí chít lāng ê, lóng sī chin. ⁴²Tī hia lāng choē-choē sìn I.

11 Ū chít lāng, miā Liáp-sat-lō·, phò·pīⁿ; i khiā tī Pek-tāi-nī, chiū-sī Má-lī-a kap i ê chí-bē Má-tāi ê hiuⁿ-siā. ²Chít ê Má-lī-a chiū-sī bat ēng hiuⁿ-iū boah Chú, ēng i ê thâu-m̄ng chhit Chú ê kha ê, i ê hiaⁿ-tī Liáp-sat-lō· phò·pīⁿ. ³In n̄ng ê chí-bē chiū chhe lāng khi chhē Iā-so·, kóng, Chú ah, lí só· thiàⁿ ê lāng phò·pīⁿ lah. ⁴Iā-so· thiaⁿ-kìⁿ chiū kóng, Chít ê pīⁿ put-ti kàu sí, chiū-sī ūi-tiōh Siōng-tè ê ēng-kng, hō· Siōng-tè ê Kiáⁿ tui chít-ê tit-tiōh ēng-kng. ⁵Taⁿ Má-tāi, kap i ê chí-bē, kap Liáp-sat-lō·, lóng sī Iā-so· só· thiàⁿ ê lāng. ⁶Kì-jiân thiaⁿ-kìⁿ i phò·pīⁿ, chiū tī só· toà ê só·chāi iū-goān toà n̄ng jít. ⁷Āu-lāi chiū ká hák-seng kóng, Lán koh lâi khi Iū-thài. ⁸Hák-seng ká I kóng, Liáp-pí, kūn-lâi Iū-thài lāng ài beh ēng chiōh-thâu tìm lí; lí iáu beh koh khi hia mah? ⁹Iā-so· in kóng, Chít jít kiám bô lāk sī mah? Lāng nā jít-sí kiāⁿ, chiū boē tak-tiōh, in-ūi khoàⁿ-kìⁿ chít sē-kan ê kng. ¹⁰Chóng-sī lāng nā mī-sí kiāⁿ, chiū tak-tiōh, in-ūi lâi-tiong bô kng. ¹¹Kóng soah, koh ká in kóng, Lán ê pēng-iú Liáp-sat-lō· teh khùn;

goá khi sī beh kiò i chhiⁿ. ¹²Hák-seng kóng, Chú ah, i nā teh khùn, chiū oē hó. ¹³Iâ-so· só· kóng sī chí i sí; nā-sī in liáh-chún sī chí i an-bîn teh khùn. ¹⁴Só·-í Iâ-so· bêng-bêng kā in kóng, Liáp-sat-lō· sí lah. ¹⁵Goá iáh ũi-tiòh lín hoaⁿ-hí, in-ũi goá bô tī hia, sī beh hō· lín sìn; chóng-sī lán lâi khi chiū-kūn i. ¹⁶To-má, chheng Té-thó·-má ê, chiū kā tâng choè hák-seng ê lêng kóng, Lán chiaⁿ-ê iáh lâi khi, kap I saⁿ-tâng sí.

¹⁷Iâ-so· kàu ê sī, Liáp-sat-lō· tī bōng-nih í-keng sì jít lah. ¹⁸Pek-tāi-nī kūn Iâ-lō·-sat-léng, saⁿ-lī iok-liōng gō· lí; ¹⁹ũ Iû-thài choē-choē lêng í-keng chiū-kūn Má-tāi Má-lī-a, beh ũi-tiòh in ê hiaⁿ-tī lâi an-ũi in. ²⁰Má-tāi thiaⁿ-kìⁿ Iâ-so· lâi, chiū khi chih I; Má-lī-a iû-goân chē tī chhù-lâi. ²¹Má-tāi tui Iâ-so· kóng, Chú ah, lí nā tī chia, goá ê hiaⁿ-tī chiū boē sí. ²²Goá taⁿ iáh chai kìⁿ-nā lí tui Siōng-tè kiū ê, Siōng-tè beh hō· lí. ²³Iâ-so· kā i kóng, Lí ê hiaⁿ-tī beh koh-oáh. ²⁴Má-tāi kā I kóng, Goá chai boát-jít, koh-oáh ê sī, i beh koh-oáh. ²⁵Iâ-so· kā i kóng, Koh-oáh kap oáh-miā sī chāi-tī goá; sìn goá ê lêng sui-bóng sí, iáu-kú beh oáh; ²⁶kìⁿ-nā oáh lâi sìn goá ê lêng éng-éng boē sí. Lí sìn chit-ê mah? ²⁷I kā I kóng, Chú ah, sī lah, goá í-keng sìn lí sī Kìtok, Siōng-tè ê Kiáⁿ, chiū-sī lâi jlp sè-kan ê. ²⁸Kóng soah, chiū tò-khi, àm-chiⁿ kiò i ê chí-bē Má-lī-a, kóng, Sian-siⁿ lâi lah, teh kiò lí. ²⁹Má-lī-a thiaⁿ-kìⁿ, kín-kín khi-lâi, khi chiū-kūn I. ³⁰Hit tiáp Iâ-so· iáu-bē jlp huiⁿ-siā, iáu tī Má-tāi chih I ê só·-chāi. ³¹Hiaⁿ-ê kap Má-lī-a tī chhù-lâi teh an-ũi i ê Iû-thài lêng, khoàⁿ-kìⁿ i kín-kín khi-lâi chhut-khi, chiū tē i, phah-sòng i beh khi bōng-nih thi-khàu. ³²Má-lī-a kàu Iâ-so· só· tī-teh ê só·-chāi, khoàⁿ-kìⁿ I, chiū phak tī I ê kha-ē, kā I kóng, Chú ah, lí

nā tī chia, goá ê hiaⁿ-tī chiū boē sí. ³³Iâ-so· khoàⁿ-kìⁿ i thi-khàu, koh kap i saⁿ-kap lâi ê Iû-thài lêng iáh thi-khàu, chiū chin chhoeh-sim, koh toā jû-loân, ³⁴kóng, Lín hē i tī sím-mih só·-chāi? In chiū kā I kóng, Chú ah, lâi khi khoàⁿ. ³⁵Iâ-so· lâu bák-sái. ³⁶Iû-thài lêng chiū kóng, Lí khoàⁿ, I thiàⁿ chit lêng kàu án-ni! ³⁷Kì-tiong ũ-ê kóng, I bat khui chhiⁿ-mî lêng ê bák-chiu, kiám boē hō· chit lêng bô sí mah? ³⁸Iâ-so· koh chhoeh-sim kàu bōng-nih. Hit ê bōng sī chiòh-tōng, ũ chit tē chiòh that hē-teh. ³⁹Iâ-so· kóng, Soá-khui hit tē chiòh. Sí lêng ê chí-bē Má-tāi kā I kóng, Chú ah, taⁿ chhàu lah; í-keng sí sì jít lah. ⁴⁰Iâ-so· kā i kóng, Goá kiám bô kā lí kóng, lí nā sìn, oē khoàⁿ-kìⁿ Siōng-tè ê éng-kng mah? ⁴¹In chiū soá-khui hit tē chiòh. Iâ-so· kiáh bák òng thiⁿ, kóng, Pē ah, Goá kám-siā lí, in-ũi lí í-keng thiaⁿ goá. ⁴²Goá chai lí siōng-siōng thiaⁿ goá; tòk-tòk goá kóng án-ni, sī ũi-tiòh chiu-ũi teh khiā ê cheng lêng, hō· in sìn lí chhe goá. ⁴³Kóng soah, chiū toā siaⁿ âu-kiò, kóng, Liáp-sat-lō·, chhut-lâi. ⁴⁴Sí lêng chiū chhut-lâi, chhiú kha chat pò, bîn pau kun. Iâ-so· kā in kóng, Tháu-khui, hō· i kiáⁿ.

⁴⁵Chiū-kūn Má-lī-a ê Iû-thài lêng, khoàⁿ-kìⁿ Iâ-so· só· kiáⁿ ê tãi-chì ê, choē-choē sìn I. ⁴⁶Tòk-tòk kì-tiong ũ-ê khi chhē Hoat-lī-sài lêng, chiong Iâ-so· só· kiáⁿ ê tãi-chì kā in kóng.

⁴⁷Tui án-ni chiaⁿ ê chè-si-thâu kap Hoat-lī-sài lêng chū-chíp kong-hoē, kóng, Lán teh chhòng sím-mih? in-ũi chit lêng kiáⁿ choē-choē sîn-jiah. ⁴⁸Lán nā iōng-ún I án-ni, cheng lêng beh sìn I; iáh Lô-má lêng beh lâi, siu-síp lán ê toē-hng kap peh-siⁿ. ⁴⁹Kì-tiong chit lêng, chiū-sī Kai-a-hoat, hit nī choē chè-si-thâu ê, kā in kóng, Lín m̄ chai poàⁿ-hāng,

iáh bô siūⁿ, ⁵⁰chít lāng thoè peh-siⁿ sí, hō· thong kok bián biát-bô, sī lín ê lī-ek. ⁵¹I kóng chit ê oē, m̄ sī tui ka-kī; sī in-ūi hit nī i choè chè-si-thâu, chhàm-gú Iá-so· beh ūi-tiōh chit ê peh-siⁿ sí; ⁵²koh m̄ nā ūi-tiōh chit ê peh-siⁿ; iáh sī beh chū-chíp Siōng-tè sì-soàⁿ ê kiáⁿ-jī háp choè chit-ê. ⁵³Só·-í tui hit jīt, in kè-bô· beh thài I.

⁵⁴Tui án-ni Iá-so· bô koh hián-jian kiáⁿ tī Iū-thài lāng ê tiong-kan, chiū lī-khui hia, khi kūn không-ia̍ ê toē, kàu chit ê siáⁿ, miá Í-hoat-liân; kap hák-seng toà hia. ⁵⁵Iū-thài lāng poáⁿ-kè-choeh kūn lah; choeh-kī cheng, choē-choē lāng tui hiuⁿ-siá chiūⁿ Iá-lō·-sat-léng, beh ka-kī chheng-khi. ⁵⁶In chiū chhē Iá-so·, koh khiā tī tiān-lāi, saⁿ-kap kóng, Lín phah-sng cháiⁿ-iūⁿ? I bô beh lái hū choeh mah? ⁵⁷Chiah ê chè-si-thâu kap Hoat-lī-sài lāng í-keng chhut bēng-lēng, nā ū lāng chai I tī tá-lōh, chiū tiōh lái pò, hō· in thang khi liáh I.

12 Só·-lí Iá-so· tī poáⁿ-kè-choeh cheng lāk jīt kàu Pek-tāi-nī, chiū-sī Liáp-sat-lō· só· toà ê só·-chāi; i sī Iá-so· tui sí-lāng tiong hō· i koh-oáh ê. ²In chiū tī hia ūi-tiōh Iá-so· pī-pān ê-hng tng; Má-tāi teh su-hāu; Liáp-sat-lō· iáh sī tâng toh ê chit-ê. ³Má-lī-a chiū thēh chit kun kék kúi-khi chin ê ná-tát hiuⁿ-iūⁿ, boah Iá-so· ê kha, koh ēng ka-kī ê thau-m̄ng chhit I ê kha, hiuⁿ-iū ê phang moá chhū. ⁴Ū I ê hák-seng chit ê, beh boē I ê, chiū-sī Ka-liók lāng Iū-tāi, kóng, ⁵Siáⁿ-sū m̄ chiong chit ê ko-iū boē gūn-á saⁿ-pah ê, lái hō· sòng-hiong lāng ah? ⁶I kóng án-ni, m̄ sī in-ūi i koan-sim tī sòng-hiong lāng; sī in-ūi i sī chhát, koh koán chíⁿ-tē thau-thēh só· hē ê nā-tiāⁿ. ⁷Iá-so· chiū kóng, Chhut-chāi i chiong chit-ê lâu-teh, kàu goá bài-chòng ê jīt. ⁸In-ūi siōng-siōng ū sòng-

hiong lāng kap lín tī-teh; nā-sī goá bô siōng-siōng kap lín tī-teh.

⁹Iū-thài ê peh-siⁿ choē-choē chai Iá-so· tī hia; chiū lái, m̄ nā in-ūi Iá-so· ê ián-kò·, iáh ài beh khoàⁿ I só· hō· i tui sí-lāng tiong koh-oáh ê Liáp-sat-lō·. ¹⁰Tók-tók chiah ê chè-si-thâu kè-bô· beh soà thài-sí Liáp-sat-lō·; ¹¹in-ūi Iū-thài lāng choē-choē ūi-tiōh i ê ián-kò·, khi sìn Iá-so·.

¹²Keh jīt, ū choē-choē hū choeh ê lāng, í-keng thiaⁿ-kìⁿ Iá-so· beh kàu Iá-lō·-sat-léng, ¹³chiū kiáh chang-chhiū ki, chhut-khi ngiá-chih I, kiò kóng, Hô-sàn-ná, hōng Chú ê miá lái ê, chiū-sī Í-sek-liát ê ông, goān I tit-tiōh o-ló. ¹⁴Iá-so· tit-tiōh chit chiah soē chiah lū, khiā i; chhin-chhiūⁿ sèng-keng só· kì, Sūn-siáⁿ ê cha-bó·-kiáⁿ ah, bóh-tit kiaⁿ; ¹⁵lí ê Ông lái lah, khiā lū-á-kiáⁿ. ¹⁶Hák-seng khí-thau boē bēng chiah ê sū; kàu Iá-so· í-keng tit-tiōh êng-kng ê sī, chiah kì-tit ū kì-chài chiah ê sū chí I, iáh lāng kó-jian tui I kiáⁿ chiah ê sū. ¹⁷Tng Iá-so· kiò Liáp-sat-lō· chhut bōng, hō· i tui sí-lāng tiong koh-oáh ê sí, kap I tī-teh ê cheng lāng choè kan-cheng. ¹⁸Tui án-ni cheng lāng khi ngiá-chih I, in-ūi thiaⁿ-khiⁿ I ū kiáⁿ chit ê sìn-jiah. ¹⁹Hoat-lī-sài lāng saⁿ-kap kóng, Khó-kiàn lín lóng bô chhái-kang; lín khoàⁿ, thong sè-kan lóng khi tè I lah.

²⁰Tng choeh-kí chiūⁿ lái keng-pài ê, tiong-kan ū kúi-nā ê Hi-lī-nī lāng; ²¹in chiū-kūn Ka-lī-lī ê Pek-sài-tāi lāng Hui-lèk, kiū i kóng, Sian-siⁿ ah, goán ài kìⁿ Iá-so·. ²²Hui-lèk lái ká An-tek-liát kóng; An-tek-liát kap Hui--lèk lái ká Iá-so· kóng. ²³Iá-so· in kóng, Jīn-chú tit-tiōh êng-kng ê sī kàu lah. ²⁴Goá sít-sít ká lín kóng, Chit liáp béh bô lōh tī toē-nhí lái sí, chiū iū-goān chit liáp nā-tiāⁿ; sí, chiū kiát-sít choē-choē. ²⁵Thiáⁿ ka-kī ê sìⁿ-miá ê,

chiū sòng-sit i; oàn-hūn ka-kī ê sīⁿ-miā tī chit sè-kan ê, tek-khak pó i kàu éng-oáh. ²⁶Lâng nā hók-sāi goá, chiū tiòh tè goá; goá só^t tī-teh ê só^t-chāi, hók-sāi goá ê lâng iáh beh tī hia; lâng nā hók-sāi goá, goá ê Pē beh tui-tiōng i. ²⁷Taⁿ goá ê sim toā peh-pak; beh cháiⁿ-iūⁿ kóng? Pē ah, kiū goá chhut chit ê sī. Chóng-sī goá tui-tiòh chit-ê, chiah kàu tī chit sī. ²⁸Pē ah, goān lí êng-hián lí ê miā. Chiū tui thiⁿ ū siaⁿ kóng, Goá í-keng êng-hián, beh koh-chài êng-hián i. ²⁹Khiā tī piⁿ-á ê cheng lâng thiaⁿ-kìⁿ chiū kóng, Sī lúi tân; ū lâng kóng, sī thiⁿ-sài ká I kóng oē. ³⁰Iā-so^t òn kóng, Chit ê siaⁿ lâi, m̄ sī tui-tiòh goá, chiū-sī tui-tiòh lín. ³¹Tī chit tiáp chit sè-kan siū sím-phoàⁿ; tī chit tiáp chit sè-kan ê jîn-kun beh siū koáⁿ-tiók. ³²Goá nā siū kú-khí lī-khui toē, chiū beh ín-chhoā cheng lâng chiū-kūn goá. ³³I kóng chit ê oē, sī chí I beh sím-mih khoán lâi sí. ³⁴Cheng lâng chiū òn I kóng, Goán thiaⁿ-kìⁿ lút-hoat ū kóng, Kì-tok éng-éng tī-teh; lí cháiⁿ-iūⁿ kóng, Jîn-chú tiòh siū kú-khí? chit ê Jîn-chú sī chī-chūi ah? ³⁵Iā-so^t chiū ká òn kóng, Kng tī lín ê tiong-kan iáu ū tiáp-á kú ê sī. Lín ū kng ê sī, chiū tiòh kiâⁿ, bián-tit àm kàu tī lín; hit-ê kiâⁿ tī àm ê, i m̄ chai kiâⁿ kàu tá-lóh. ³⁶Lín ū kng ê sī, chiū tiòh sìn kng, hō^t lín chiâⁿ-choē kng-bēng ê lâng.

Iā-so^t kóng chiah ê oē, chiū lī-khui in, ka-kī ún-bát. ³⁷Sui-jiân tī òn ê bīn-cheng kiâⁿ chiah choē sīn-jiah, in iū-goān m̄ sìn I; che sī beh èng-giām sian-ti Í-sài-a ê oē, kóng, “Chú ah, goán só^t thoān hō^t lâng thiaⁿ, chī-chūi sìn ah? Chú chhiú-kut ê lát, tui chī-chūi hián-bēng ah? ³⁹Só^t-í in boē sìn; in-ūi Í-sài-a koh ū kóng, Chú hō^t in ê bák-chiu chhiⁿ-mī, sim ngī; Bián-tit in ēng bák-chiu khoàⁿ-kìⁿ, ēng sim hiáu-ngō^t, Oát-tò-túg, Chiū goá i-hó in.

⁴¹Í-sài-a kóng chiah-ê, in-ūi khoàⁿ-kìⁿ I ê êng-kng, lâi lūn-kàu I. ⁴²Sui-jiân án-ni, in ê sī-toā khiok ū choē-choē sìn I; tui-tiòh Hoat-lī-sài lâng chiah bô jīm I, bián-tit kek-chhut hoē-tūg; ⁴³in-ūi in ò-ài tui lâng lâi ê êng-kng, khah kè-thâu tui Siōng-tè lâi ê êng-kng.

⁴⁴Iā-so^t kiò kóng, Sìn goá ê lâng m̄ sī sìn goá, chiū-sī sìn che goá ê. ⁴⁵Khoàⁿ-kìⁿ goá ê, chiū-sī khoàⁿ-kìⁿ che goá ê. ⁴⁶Goá chiū-sī kng lâi jlp sè-kan, hō^t kìⁿ-nā sìn goá ê lâng bo^t khiā-khí tī àm. ⁴⁷Lâng nā thiaⁿ goá ê oē iáh m̄ siú, goá bô sím-phoàⁿ I; in-ūi goá lâi, m̄ sī beh sím-phoàⁿ sè-kan, sī beh kiū sè-kan. ⁴⁸Khi-sak goá, iáh m̄ chiap-láp goá ê oē ê lâng, chiū ū sím-phoàⁿ i ê, chiū-sī goá só^t kóng ê tō-lí, beh tī boát-jit sím-phoàⁿ i. ⁴⁹In-ūi goá só^t kóng m̄ sī chhut tī ka-kī; chiū-sī che goá ê Pē, I ū bēng-lēng goá, tiòh thoān sím-mih, kóng sím-mih. ⁵⁰Goá chai I ê bēng-lēng sī éng-oáh; só^t-í goá só^t kóng ê, sī chiàu Pē só^t thoān hō^t goá ê, lâi kóng i.

13 Poáⁿ-kè-choeh cheng, Iā-so^t chai I lī-khui chit sè-kan kui tī Pē ê sī kàu, í-keng thiàⁿ tī sè-kan siók I ê lâng, kàu bé iáh thiàⁿ in. ²Chiah ê-hng tng ê sī, Mô^t-kúi í-keng chiong boē Iā-so^t ê ò-sù hē tī Ka-liók lâng Se-būn ê kiáⁿ Iū-tāi ê sim; ³Iā-so^t chai Pē í-keng chiong bān mih kau tī I ê chhiú, koh chai I tui Siōng-tè chhut, iáh beh kui tī Siōng-tè, ⁴chiū lī-khui toh, thng saⁿ; thēh kun ka-kī hā. ⁵Tò chú tī poáⁿ-nh, soé hák-seng ê kha, chiong só^t hā ê kun ká òn chhit. ⁶Soé kàu Se-būn Pí-tek. Pí-tek ká I kóng, Chú ah, lí soé goá ê kha mah? ⁷Iā-so^t òn i kóng, Goá só^t choē ê, lí hiān-kim m̄ chai, āu-lâi chiū oē hiáu-tit. ⁸Pí-tek kóng, Lí éng-oán bô thang soé goá ê khá. Iā-so^t òn i kóng, Goá bô ká lí soé, lí chiū kap goá bô kan-siáp. ⁹Se-būn Pí-tek ká I kóng, Chú ah,

m̄ nā goá ê kha, liên chhiú kap thâu-khak iah tiòh. ¹⁰Iâ-so· kâ i kóng, Lâng soé-ék liáu, chí-ū tiòh soé kha, chiū chiâu-chng chheng-khì; lín chia-hê sī chheng-khì, nā-sī bô ták-ê án-ni. ¹¹In-ūi Iâ-so· chai boē I ê lāng sī chī-chūi; só·í kóng, Lín bô ták-ê chheng-khì.

¹²Í-keng soé in ê kha, chheng saⁿ koh chē, chiū kâ in kóng, Goá tui lín só· ū kiáⁿ ê, lín chai mah? ¹³Lín chheng-ho· goá Sian-siⁿ ah, Chú ah; lín ê oē tiòh; goá sít-chāi sī. ¹⁴Goá choē Chú, choē Sian-siⁿ, siōng-chhiáⁿ kâ lín soé kha, lín iah tiòh saⁿ-kāng soé kha. ¹⁵In-ūi goá í-keng ēng bô-iūⁿ hō· lín, hō· lín chiàu goá só· tui lín kiáⁿ ê lāi kiáⁿ. ¹⁶Goá sít-sít kâ lín kóng, Lô·pók bô khah toā i ê chú-lāng; hōng chhe ê bô khah toā chhe i ê. ¹⁷Lín kì-jian chai chia-hê sū, nā khi kiáⁿ i, chiū ū hok-khì. ¹⁸Goá m̄ sī chí lín cheng lāng lāi kóng; goá só· keng ê, goá chai in; tók-tók beh hō· sèng-keng ēng-giām, Chia-hê goá ê piáⁿ ê lāng kiáh-khí kha-āu-tiⁿ that goá. ¹⁹Taⁿ tãi-chì iáu-bē chiáⁿ, goá seng kâ lín kóng; kàu tãi-chì chiáⁿ, hō· lín sìn goá chiū-sī I. ²⁰Goá sít-sít kâ lín kóng, Chiap-láp goá só· chhe ê, chiū-sī chiap-láp goá, chiap-láp goá, chiū-sī chiap-láp chhe goá ê.

²¹Iâ-so· kóng án-ni, sim-lāi toā peh-pak, chiū kan-cheng kóng, Goá sít-sít kâ lín kóng, lín tiong-kan chit lāng beh boē goá. ²²Hák-seng saⁿ-khoàⁿ, siūⁿ m̄ chhut I sī kóng sím-mih lāng. ²³Ū chit ê hák-seng, chiū-sī Iâ-so· só· thiàⁿ ê, the kün Iâ-so· ê heng-cheng. ²⁴Se-bun Pí-tek thim thâu kâ i kóng, Chhiáⁿ kâ goán kóng, I só· kóng ê sī sím-mih lāng. ²⁵I chiū hiáⁿ sin óa Iâ-so· ê heng-khám, kâ I kóng, Chú ah, sī chī-chūi? ²⁶Iâ-so· chiū in kóng, Goá ùn chit tè-á mih hō· i, hit ê lāng chiū-sī. Súi-sī ùn chit tè-á, theh hō· Ka-liók lāng Se-

bun ê kiáⁿ Iú-tāi. ²⁷I siū mih liáu-āu, Sat-tàn chiū jip i ê sim. Iâ-so· chiū kâ i kóng, Lí só· choē ê, kín-kín khi choē. ²⁸Tāng toh ê lāng, bô lāng chai ūi-tiòh cháíⁿ-iūⁿ tui i kóng chit-ê. ²⁹In-ūi Iú-tāi koán chíⁿ-tē, ū lāng phah-sng, káⁿ sī Iâ-so· kâ i kóng, Lí khi boē lán siú choeh só· khiām-ēng ê; á-sī kah i khi chín-chē sòng-hiong lāng. ³⁰Iú-tāi chih-tiòh hit ê mih, liām-piⁿ chhut-khì; hit sī mī-sī.

³¹Í-keng chhut-khì, Iâ-so· kóng, Taⁿ Jín-chú tit-tiòh ēng-kng, Siōng-tè iah tī I tit-tiòh ēng-kng; ³²koh Siōng-tè beh tī pún-sin ēng-kng Jín-chú, iah beh liām-piⁿ ēng-kng I. ³³Soé-kiáⁿ ah, goá iáu ū tiap-á-kú kap lín tī-teh. Lín beh chhē goá; goá só· khi ê só·-chāi, lín boē-oē kàu; goá bat kâ Iú-thài lāng kóng, taⁿ iah án-ni kâ lín kóng. ³⁴Goá ēng sin ê kài-bēng hō· lín, chiū-sī lín tiòh saⁿ-thiàⁿ; chhin-chhiūⁿ goá bat thiàⁿ lín, lín iah tiòh án-ni saⁿ-thiàⁿ. ³⁵Lín nā saⁿ-thiàⁿ, cheng lāng beh tui án-ni chai lín sī goá ê hák-seng.

³⁶Se-bun Pí-tek kâ I kóng, Chú ah, beh tá-lòh khi? Iâ-so· in i kóng, Goá só· khi ê só·-chāi, lí hiān-sī boē tè goá; āu-lāi beh tè goá. ³⁷Pí-tek kâ I kóng, Chú ah, goá hiān-sī cháíⁿ-iūⁿ boē tè lí ah? Goá beh ūi-tiòh lí pàng-sak sīⁿ-miā. ³⁸Iâ-so· in kóng, Lí beh ūi-tiòh goá pàng-sak lí ê sīⁿ-miā mah? Goá sít-sít kâ lí kóng, Koe iáu-bē thī, lí beh saⁿ pái m̄ jīn goá.

14 Lín ê sim bóh-tit peh-pak; lín tiòh sìn Siōng-tè, iah tiòh sìn goá. ²Tī goá ê Pē ê ke, ū choē-choē chhù-thēh; nā bô, chiū goá í-keng kâ lín kóng lah; in-ūi goá khi, sī kâ lín pī-pān só·-chāi. ³Nā khi kâ lín pī-pān só·-chāi, chiū beh koh lāi, chiap-láp lín kui tī goá; hō· goá só· tī-teh ê, lín iah tī hia. ⁴Goá só· khi ê só·-chāi, lín bat hit tiâu lô·. ⁵To-má kâ I kóng, Chú ah, lí khi ê só·-chāi, goán to m̄

chai; thái oē chai hit tiêu lơ· ah? ⁶Iâ-so· kâ i kóng, Goá chiū-sī lơ·, sī chin-lí, sī oáh-miā; nā bô tùi goá, chiū bô lāng chiū-kūn Pē. ⁷Lín nā í-keng bat goá, chiū iáh bat goá ê Pē; taⁿ liáu-āu lín bat I, iáh bat khoàⁿ-kìⁿ I. ⁸Hui-lèk kâ I kóng, Chú ah, ēng Pē hō· goán khoàⁿ, chiū kàu-giáh. ⁹Iâ-so· kâ i kóng, Hui-lèk, goá kap lín tiàm kàu chiaⁿ kú, lí iáu m̄ bat goá mah? í-keng khoàⁿ-kìⁿ goá ê, chiū-sī khoàⁿ-kìⁿ Pē; lí cháiⁿ-iūⁿ kóng, Ēng Pē hō· goán khoàⁿ ah? ¹⁰Goá tiàm-tī Pē, Pē iáh tiàm-tī goá, lí m̄ sìn mah? Goá só· kâ lín kóng ê oē, m̄ sī chhut tī ka-kī lâi kóng; chiū-sī Pē toà tī goá lâi kiâⁿ I ê tãi-chì. ¹¹Goá tiàm-tī Pē, Pē tiàm-tī goá, lín tiòh sìn goá; nā bô, chiū tiòh in-ūi só· kiâⁿ ê sū lâi sìn goá. ¹²Goá sít-sít kâ lín kóng, Sìn goá ê lāng, goá só· kiâⁿ ê, i beh kiâⁿ i; chiū pí chiaⁿ ê sū khah toā ê, iáh beh kiâⁿ i; in-ūi goá kui tī Pē. ¹³Lín tī goá ê miâ, hoān só· kiū ê, goá beh kiâⁿ i; hō· Pē tī Kiáⁿ tit-tiòh ēng-kng. ¹⁴Lín nā tī goá ê miâ ū só· kiū goá ê, goá beh kiâⁿ i.

¹⁵Lín nā thiàⁿ goá, chiū beh siú goá ê bēng-lēng. ¹⁶Goá iáh beh tùi Pē kiū, chiū I beh ēng koh chít ê Pó-hūi-su hō· lín, hō· I éng-oán kap lín toà; ¹⁷chiū-sī chin-lí ê Sìn; sè-kan só· boē chiap-láp ê, in-ūi bô khoàⁿ-kìⁿ I, koh m̄ bat I; tók-tók lín bat I; in-ūi I kap lín saⁿ-kap toà, koh beh tiàm-tī lín. ¹⁸Goá bô beh pàng lín choē bô pē ê kiáⁿ; goá lâi chiū-kūn lín. ¹⁹Iáu tiap-á-kú, sè-kan bô koh khoàⁿ-kìⁿ goá; tók-tók lín khoàⁿ-kìⁿ goá; in-ūi goá oáh, lín iáh oáh. ²⁰Hit jít lín beh chai goá tiàm-tī goá ê Pē, lín tiàm-tī goá, goá tiàm-tī lín. ²¹Ū goá ê bēng-lēng, koh siú i ê lāng, chit-ê chiū-sī thiàⁿ goá; thiàⁿ goá ê lāng, beh tit-tiòh goá ê Pē thiàⁿ i, goá iáh beh thiàⁿ i, koh chiong pún-sin hián-bēng tī i. ²²Ū Iú-tāi, (m̄ sī Ka-

liók lāng ê), kâ I kóng, Chú ah, ū sím-mih sū lí beh chiong pún-sin hián-bēng tī goán, bô hián-bēng tī sè-kan ah? ²³Iâ-so· ìn i kóng, lāng nā thiàⁿ goá, i beh siú goá ê tō-lí, goá ê Pē beh thiàⁿ i, goán iáh beh chiū-kūn i, koh kap i tâng khiā-khí. ²⁴Bô thiàⁿ goá ê lāng, chiū bô siú goá chiaⁿ ê oē; koh lín só· thiaⁿ ê tō-lí, m̄ sī goá ê, chiū-sī chhe goá ê Pē ê.

²⁵Goá iáu kap lín toà ê sī, ū chiong chiaⁿ ê oē kâ lín kóng. ²⁶Nā-sī Pó-hūi-su, chiū-sī Sèng Sìn, Pē tī goá ê miâ só· beh chhe ê, I beh chiong it-chhè ê sū kà-sī lín, koh beh hō· lín kì-tit goá it-chhè só· kâ lín kóng ê. ²⁷Goá ēng pēng-an lâu-teh hō· lín; goá chiong goá ê pēng-an siúⁿ-sù lín; goá teh hō· lín, m̄ sī chhin-chhiūⁿ sè-kan teh hō· lāng ê khoán. Lín ê sim bôh-tit peh-pak, iáh bôh-tit kiaⁿ-hiáⁿ. ²⁸Lín í-keng thiaⁿ-kìⁿ goá ū kâ lín kóng, Goá khi, koh lâi chiū-kūn lín. Lín nā thiàⁿ goá, chiū in-ūi goá kui tī Pē lín oē hoaⁿ-hí; in-ūi Pē pí goá khah toā. ²⁹Taⁿ sū iáu-bē chiáⁿ, goá í-keng kâ lín kóng, hō· lín tī sū chiáⁿ ê sī thang sìn. ³⁰Í-āu goá bô kap lín kóng choē-choē oē, in-ūi sè-kan ê jîn-kun teh lâi lah; i tī goá bô só· ū; ³¹tók-tók beh hō· sè-kan chai goá thiàⁿ Pē, iáh chiàu Pē só· bēng-lēng goá ê, goá án-ni lâi kiâⁿ. Khí-lâi, lán tùi chia lâi khi.

15 Goá sī chin ê phû-tô chhiū, goá ê Pē sī choh-hng ê lāng. ²Kìⁿ-nā liân tī goá ê ki bô kiat ké-chí ê, I chiū san-khí-lâi; kìⁿ-nā kiat ké-chí ê, I chiū siu hō· i chheng-khì, hō· i kiat ké-chí koh khah choē. ³Taⁿ lín in-ūi goá só· kâ lín kóng ê tō-lí í-keng chheng-khì lah. ⁴Lín tiòh tiàm-tī goá, goá iáh tiàm-tī lín; Siat-sú ki bô liân tī phû-tô chhiū, chiū boē-oē ka-kī kiat ké-chí; lín nā bô tiàm-tī goá, iáh sī án-ni. ⁵Goá chiū-sī phû-tô chhiū, lín chiū-sī ki;

tiàm tī goá, iā goá tiàm tī i ê, chiū kiát ké-chí choē-choē; in-ūi kap goá saⁿ-lī, lín chiū boē choē sím-mih. ⁶Lâng nā bô tiàm tī goá, chiū siū khì-sak tī goā-bīn, chhin-chhiūⁿ kī, soà ko-tâ; lâng khioh in hiat-lóh hé, chiū sio-khì. ⁷Lín nā tiàm tī goá, goá ê oē tiàm tī lín, hoān-nā só· ài ê lín tióh kiū, chiū beh kā lín chiāⁿ. ⁸Lín kiát ké-chí choē-choē, tùi án-ni goá ê Pē tit-tiòh êng-kng; iáh lín beh chiāⁿ-choē goá ê hák-seng. ⁹Goá ū thiàⁿ lín, chhin-chhiūⁿ Pē ū thiàⁿ goá; lín tióh tiàm tī goá ê thiàⁿ. ¹⁰Lín nā siú goá ê kài-bēng chiū beh tiàm tī goá ê thiàⁿ, chhin-chhiūⁿ goá ū siú goá ê Pē ê kài-bēng, tiàm tī I ê thiàⁿ. ¹¹Goá í-keng ēng chiaⁿ-ê kā lín kóng, beh hō· goá ê hoāⁿ-hí tiàm tī lín, iáh hō· lín ê hoāⁿ-hí moá-moá. ¹²Lín tióh saⁿ-thiàⁿ, chhin-chhiūⁿ goá ū thiàⁿ lín; che sī goá ê bēng-lēng. ¹³Lâng ūi-tiòh pēng-iú hiàn sīⁿ-miā, thiàⁿ bô ū pí chit-ê khah toā ê. ¹⁴Lín nā kiāⁿ goá só· bēng-lēng lín ê, chiū-sī goá ê pēng-iú. ¹⁵Taⁿ liáu-āu, goá bô kiò lín choē lô·pók; in-ūi lô·pók m̄ chai i ê chú-lâng ê só· kiāⁿ; nā-sī goá í-keng kiò lín choē pēng-iú; in-ūi goá tùi Pē só· thiaⁿ-kìⁿ ê, lóng ū kā lín kóng. ¹⁶M̄ sī lín keng goá, sī goá keng lín, koh siat-lp lín, hō· lín khì kiát ké-chí, koh hō· lín ê ké-chí kú-tng tī-teh; hō· lín tī goá ê miā bô lūn tùi Pē kiū sím-mih, I chiū hō· lín. ¹⁷Goá ēng chiaⁿ-ê bēng-lēng lín, sī beh hō· lín saⁿ-thiàⁿ. ¹⁸Sè-kan nā oàn-hūn lín, lín chai i iáu-bē oàn-hūn lín, í-keng tãi-seng oàn-hūn goá. ¹⁹Lín nā siók sè-kan, sè-kan chiū thiàⁿ i ka-kī ê; tók-tók in-ūi lín m̄ sī siók sè-kan, chiū-sī goá keng lín chhut sè-kan, só·-í sè-kan oàn-hūn lín. ²⁰Lín tióh kī-tit goá só· kā lín kóng ê oē, kóng, Lô·pók bô khah toā i ê chú-lâng. Lâng nā ū khún-tiók goá, iáh beh khún-tiók lín; nā ū siú goá ê oē

iáh beh siú lín ê oē. ²¹Nā-sī in beh in-ūi goá ê miā ēng chiaⁿ ê it-chhè ê sū khoán-thāi lín, sī in-ūi m̄ bat chhe goá ê. ²²Goá nā bô lâi kā in kóng, in chiū bô choē; taⁿ in ê choē bô thang the-sī lah. ²³Oàn-hūn goá ê lâng, iáh oàn-hūn goá ê Pē. ²⁴Goá nā tī in tiong-kan m̄ bat kiāⁿ pát lâng só· bē bat kiāⁿ ê, in chiū bô choē; nā-sī taⁿ goá kap goá ê Pē, in iáh ū khoāⁿ-kìⁿ, iáh ū oàn-hūn. ²⁵Che sī beh èng-giām in ê lút-hoat só· kī-chài ê oē kóng, In bô iân-kò· oàn-hūn goá. ²⁶Nā-sī Pó-hūi-su, chiū-sī chin-lí ê Sín, tùi Pē chhut ê, goá tùi Pē beh chhe I chiū-kūn lín; I nā kàu, beh ūi-tiòh goá choē kan-chèng; lín iáh beh choē kan-chèng, in-ūi lín tùi khí-thâu kap goá tī-teh.

16 Chiaⁿ ê sū goá í-keng kā lín kóng, hō· lín bián-tì tiòh-tak. ²Lâng beh kek lín chhut hoē-tng; koh sī kàu, hoān-nā thāi lín ê lâng, iáh beh liáh che choē hòk-sāi Siōng-tè. ³In beh kiāⁿ án-ni, in-ūi m̄ bat Pē kap goá. ⁴Tók-tók goá ū kā lín kóng chiaⁿ-ê, sī hō· lín kàu sī thang kī-tit goá bat kā lín kóng. Goá tùi khí-thâu bô kā lín kóng chiaⁿ-ê, sī in-ūi goá kap lín tī-teh. ⁵Taⁿ goá khì kui tī chhe goá ê; lín tiong-kan bô lâng m̄ng goá, kóng, Lí beh tá-lòh khì? ⁶Kan-ta ūi-tiòh goá ū kā lín kóng chiaⁿ-ê, lín í-keng moá-sim iu-būn lah. ⁷Nā-sī goá chiong sít-chèng kā lín kóng; Goá khì, sī choē lín ê lī-ek; goá bô khì, Pó-hūi-su bô lâi chiū-kūn lín; nā khì, chiū beh chhe I chiū-kūn lín. ⁸I kàu, tek-khak ēng choē, ēng gī, ēng sím-phoàⁿ, lâi chí-chèng sè-kan; ⁹ēng choē, in-ūi in m̄ sìn-khò goá; ¹⁰ēng gī, in-ūi goá kui tī Pē, lín bô koh khoāⁿ-kìⁿ goá; ¹¹ēng sím-phoàⁿ, in-ūi chit sè-kan ê jîn-kun í-keng siū sím-phoàⁿ. ¹²Goá iáu ū choē-choē hāng beh kā lín kóng, tók-tók lín hiān-kim tng boē khí. ¹³Kàu chin-lí ê Sín lâi, I beh chhoā lín

jíp tī it-chhè ê chin-lí; in-ūi I m̄ sī beh pîn ka-kī lâi kóng; sī chiong I só· beh thiaⁿ-kìⁿ ê lâi kóng; koh beh ēng teh-beh lâi ê sū pò lín. ¹⁴I beh ēng-kng goá; in-ūi I beh tui goá só· ū ê niá-siū; lâi pò lín. ¹⁵Hoān-nā Pē só· ū ê lóng sī goá ê; só·-í goá kóng, I beh tui goá só· ū ê niá-siū, lâi pò lín. ¹⁶Tiap-á kú lín bô khoàⁿ-kìⁿ goá; koh tiap-á kú, lín chiū beh khoàⁿ-kìⁿ goá. ¹⁷Tui án-ni I ê hāk-seng, ū-ê saⁿ-kap kóng, I tui lán kóng, Tiap-á kú lín bô khoàⁿ-kìⁿ goá; koh tiap-á kú lín beh khoàⁿ-kìⁿ goá; koh kóng, In-ūi goá kui tī Pē, che sím-mih ì-sù? ¹⁸Só·-í in kóng, I só· kóng ê tiap-á kú, sī sím-mih ì-sù? Lán m̄ chai I teh kóng sím-mih. ¹⁹Iā-so· chai in ài m̄ng I, chiū kā in kóng, Goá kóng, Tiap-á kú lín bô khoàⁿ-kìⁿ goá, koh tiap-á kú lín beh khoàⁿ-kìⁿ goá, lín in-ūi chit-ê m̄ng-lâi m̄ng-khì mah? ²⁰Goá sít-sít kā lín kóng, Lín beh thī-khàu ai-siong, sè-kan beh hoaⁿ-hí; lín beh iu-būn, nā-sī lín ê iu-būn beh pìⁿ-choè hoaⁿ-hí. ²¹Hū-jîn-lâng beh siⁿ kiáⁿ chiū iu-būn, in-ūi i ê sī kàu lah; eⁿ-á í-keng chhut-si, bô koh kì-tit i ê khó^t-thàng, in-ūi hoaⁿ-hí ū lêng chhut-si tī sè-kan. ²²Chhin-chhiūⁿ án-ni, lín hiān-kim iah ū iu-būn; chóng-sī goá beh koh kìⁿ-tiòh lín, chiū lín ê sim beh hoaⁿ-hí, koh lín ê hoaⁿ-hí bô lêng kā lín chhiūⁿ-khì. ²³Tng hit jīt lín bô beh m̄ng goá sím-mih. Goá sít-sít kā lín kóng, Lín kìⁿ-nā tui Pē kiū ê, I chiū tī goá ê miā beh hō· lín. ²⁴Lín kàu taⁿ bē bat tī goá ê miā kiū sím-mih; lín tiòh kiū chiū oē tit-tiòh, hō· lín ê hoaⁿ-hí moá-moá.

²⁵Chiah ê sū goá ū ēng phì-jū kā lín kóng; sī kàu, goá bô beh koh ēng phì-jū kā lín kóng, chiū-sī ēng Pē bēng-bēng chí-sī lín. ²⁶Tng hit sī lín beh tī goá ê miā kiū; goá bô kā lín kóng, Goá beh ūi-tiòh lín kiū Pē; ²⁷in-ūi Pē ka-kī

thiàⁿ lín, sī ūi-tiòh lín ū thiàⁿ goá, koh sìn goá tui Pē chhut-lâi. ²⁸Goá tui Pē chhut-lâi, iah jíp sè-kan; koh lī-khui sè-kan lâi kui tī Pē. ²⁹I ê hāk-seng kóng, Taⁿ lí bēng-bēng kóng, m̄ sī ēng phì-jū. ³⁰Taⁿ goán chai lí bô só· m̄ chai, m̄-bián lêng m̄ng lí; goán in-ūi án-ni sìn lí tui Siōng-tè chhut. ³¹Iā-so· in kóng, Taⁿ lín sìn mah? ³²Sī beh kàu, iah í-keng kàu lah, lín chiah-ê si-soàⁿ, tāk lêng kui i pún-sin ê só·-chāi, lâu goá ka-kī tī-teh; chóng-sī goá m̄ sī ka-kī tī-teh, in-ūi Pē kap goá tī-teh. ³³Goá í-keng chiong chiah-ê kā lín kóng, hō· lín tiàm-tī goá ū pēng-an. Tī sè-kan lín ū khó^t-lân; tók-tók lín thang pàng-sim; goá í-keng khah-iāⁿ sè-kan.

17 Iā-so· kóng chiah-ê, chiū kiáh bāk òng thiⁿ, kóng, Pē ah, sī kàu lah; goán lí ēng-kng lí ê Kiáⁿ, thang hō· Kiáⁿ ēng-kng lí; ²chhin-chhiūⁿ lí bat hō· Kiáⁿ ū koán tī-lí kìⁿ ū jiòk-thé ê, beh hō· I chiong éng-oáh siúⁿ-sù kìⁿ-nā lí só· hō· I ê lêng. ³Chit ê éng-oáh, chiū-sī bat lí tók-it chin ê Siōng-tè, kap lí só· chhe ê Iā-so· Ki-tok. ⁴Goá í-keng ēng-kng lí tī toē-chiūⁿ; chiū-sī lí só· kau-tāi goá kiáⁿ ê kang, goá í-keng chiáⁿ i. ⁵Pē ah, taⁿ tiòh hō· goá kap lí saⁿ-kap ū ēng-kng, chiū-sī bē ū sè-kan í-chēng goá kap lí saⁿ-kap ū ê ēng-kng. ⁶Lí só· siúⁿ-sù goá chhut tī sè-kan ê lêng, goá í-keng ēng lí ê miā tui in hián-bēng; in pún sī lí ê, lí ēng in siúⁿ-sù goá; in iah í-keng siú lí ê tō-lí. ⁷Taⁿ in chai kìⁿ-nā lí só· hō· goá ê, lóng sī tui lí lâi; ⁸in-ūi lí só· hō· goá ê oē, goá í-keng hō· in; in sēng-siū i, iah khak-sít chai goá tui lí chhut, koh sìn lí chhe goá. ⁹Goá ūi-tiòh in kiū; m̄ sī ūi-tiòh sè-kan kiū, chiū-sī ūi-tiòh lí só· hō· goá ê lêng; in-ūi in sī lí ê. ¹⁰Kìⁿ-nā goá ê, chiū-sī lí ê; lí ê, chiū-sī goá ê; koh goá tī in ū tit-tiòh ēng-kng. ¹¹Taⁿ liáu-āu goá bô

tī sè-kan; in tī sè-kan, goá kui tī lí. Sèng ê Pē ah, goān lí tī lí ê miâ, chiū-sī lí só· hō· goá ê, lâi pó-siú in, hō· in choè chít-ê, chhin-chhiūⁿ lán chít iūⁿ. ¹²Goá kap in tī-teh ê sí, bat tī lí ê miâ, chiū-sī lí só· hō· goá ê, lâi pó-siú in; goá iáh ũ chiàu-kò· in, kî-tiong bô chít-ê tîm-lûn; chí ũ hit ê tîm-lûn ê lêng nā-tiāⁿ, hō· sèng-keng tit-tiòh èng-giām. ¹³Taⁿ goá chiū-kūn lí; goá iáu tiàm sè-kan kóng chiaⁿ ê oē, beh hō· in ũ goá ê hoaⁿ-hí moá-moá tī in ê sim-lāi. ¹⁴Goá í-keng chiong lí ê tō-lí hō· in; sè-kan oân-hūn in, in-ūi in bô siók sè-kan, chhin-chhiūⁿ goá bô siók sè-kan. ¹⁵Goá m̄ sī kiū lí hō· in chhut sè-kan, chiū-sī pó-siú in thoat-lī pháiⁿ-ê. ¹⁶In bô siók sè-kan, chhin-chhiūⁿ goá bô siók sè-kan. ¹⁷Goān lí èng chin-lí hō· in chiāⁿ-sèng; lí ê tō-lí chiū-sī chin-lí. ¹⁸Chhin-chhiūⁿ lí chhe goá jíp sè-kan, goá iáh ũ chhe in jíp sè-kan. ¹⁹Goá ũi-tiòh in lâi choè sèng, hō· in iáh tui chin-lí lâi chiāⁿ-sèng. ²⁰Goá m̄ nā ũi-tiòh chiaⁿ ê lêng kiū, iáh ũi-tiòh tui in ê oē lâi sìn goá ê lêng kiū; ²¹hō· in lóng choè chít-ê; chhin-chhiūⁿ Pē, lí tiàm-tī goá, goá tiàm-tī lí, hō· in iáh án-ni tiàm-tī lán; chiū hō· sè-kan sìn lí chhe goá. ²²Lí só· hō· goá ê èng-kng, goá í-keng hō· in; hō· in choè chít-ê, chhin-chhiūⁿ lán ê choè chít-ê; ²³goá tiàm-tī in, lí tiàm-tī goá, hō· in oē oân-choân lâi choè chít-ê; hō· sè-kan chai lí chhe goá, iáh chai lí thiāⁿ in chhin-chhiūⁿ thiāⁿ goá chít iūⁿ. ²⁴Pē ah, lí só· hō· goá ê, goá ài in tī goá só· tī-teh ê só·-chāi, iáh kap goá saⁿ-kap tī hia; hō· in khoàⁿ-kìⁿ lí só· siúⁿ-sù goá ê èng-kng; in-ūi chhòng-chō sè-kan í-chêng lí í-keng thiāⁿ goá. ²⁵Gī ê Pē ah, sè-kan bē bat lí; tók-tók goá ũ bat lí; chiaⁿ ê lêng iáh bat lí ũ chhe goá; goá bat èng lí ê m̄i chí-sī in, koh beh chí-sī in; hō· lí thiāⁿ goá ê thiāⁿ-thàng tiàm-tī in, goá

iáh tiàm-tī in.

18 Chiaⁿ ê oē kóng liáu, Iâ-so· kap hák-seng chhut-khì kè Khip-lûn khoe; tī hia ũ hng, Iâ-so· kap I ê hák-seng jíp-khì. ²Boē I ê Iû-tāi iáh bat hit ê só·-chāi; in-ūi Iâ-so· kap I ê hák-seng táuh-táuh chū-chip tī hia. ³Iû-tāi í-keng niá chít tui peng, kap chiaⁿ ê chè-si-thâu í-kip Hoat-lī-sài lêng ê chhe-iáh, kiáh teng, kap hé-pé, kap ke-si, lâi kàu hia. ⁴Iâ-so· chai I só· beh tú-tiòh it-chhè ê sū, chiū chhut-khì kâ in kóng, Lín chhē chī-chui? ⁵In kóng, Ná-sat-lèk lêng Iâ-so·. Iâ-so· kâ in kóng, Goá chiū-sī. Boē I ê Iû-tāi iáh kap in saⁿ-kap teh khiā. ⁶Iâ-so· chít-ē kâ in kóng, Goá chiū-sī, in chiū tò-thè, poáh-tó tī toē-nih. ⁷Só·-í koh m̄ng in, Lín chhē chī-chui? In kóng, Ná-sat-lèk lêng Iâ-so·. ⁸Iâ-so· in kóng, Goá í-keng kâ lín kóng, goá chiū-sī; lín nā chhē goá, tiòh iông-ún chiaⁿ ê lêng khi; ⁹che sī hō· I chêng só· kóng ê oē èng-giām, kóng, Lí só· hō· goá ê lêng, goá bô sit-lòh chít-ê. ¹⁰Se-bûn Pí-tek ũ to, puih-khí-lâi phut chè-si-thâu ê lô-pók, siah-khì i ê chiāⁿ hī. Lô-pók ê miâ kiò Má-lèk-kó. ¹¹Iâ-so· chiū kâ Pí-tek kóng, Siu lí ê to jíp siù; Pē só· hō· goá ê poe, goá kiám bô beh lim mah?

¹²Tui án-ni peng-tui kap chhian-chóng, í-kip Iû-thai lêng ê chhe-iáh, liáh Iâ-so· pāk I; ¹³tāi-seng toà I khi kìⁿ A-ná, in-ūi i sī hit nī ê chè-si-thâu Kai-a-hoat ê tiūⁿ-lêng. ¹⁴Chêng thoè Iû-thai lêng táⁿ-sng kóng, chít lêng ũi-tiòh peh-siⁿ sí sī ũ lī-ek ê, chiū-sī chít ê Kai-a-hoat.

¹⁵Se-bûn Pí-tek tè Iâ-so·, koh ũ chít ê hák-seng tè I. Chit ê hák-seng sī chè-si-thâu só· bat ê, chiū kap Iâ-so· jíp chè-si-thâu ê iⁿ. ¹⁶Nā-sī Pí-tek khiā tī m̄ng-goā. Só·-í hit ê hák-seng, chiū-sī chè-si-thâu só· bat ê, chhut-

khì kap kò·m̄ng ê cha·bó·lâng kóng, chiū chhoā Pí·tek jíp·khì. ¹⁷Kò·m̄ng ê lú·pī ká Pí·tek kóng, Lí iáh káⁿ sī chit lâng ê hák-seng hò·ⁿ? I kóng, M̄ sī. ¹⁸Chiah ê lô·pòk kap chhe-iáh, in·ūi koāⁿ, chiong thoàⁿ khí hé, khiā teh hang sio; Pí·tek iáh kap in khiā teh hang.

¹⁹Chè·si-thâu chiū m̄ng Iâ·so· lūn I ê hák-seng, kap I ê kà·sī. ²⁰Iâ·so· ìn kóng, Goá sī hián·jiân tùi sè·kan lâng kóng; goá siông-siông tī hoē·tng kap tiān·nīh kà·sī, chiū·sī Iû-thài lâng lóng chū·chíp ê só·chāi; tī ún·bát ê só·chāi goá bē bat kóng sím·mih. ²¹Siáⁿ-sū m̄ng goá? thang m̄ng thiaⁿ ê lâng, khoàⁿ goá kap ìn kóng cháiⁿ-iūⁿ; in chai goá só· kóng. ²²Kóng soah, piⁿ-á teh khiā chit ê chhe-iáh siàn Iâ·so·, kóng, Lí ìn chè·si-thâu án·ni mah? ²³Iâ·so· ìn i kóng, Goá nā kóng m̄ tiòh, thang chí·chèng hit ê m̄ tiòh; nā tiòh, siáⁿ-sū phah goá? ²⁴Iâ·so· iû·goân siū pák, A·ná chhe I kàu chè·si-thâu Kai·a·hoat ê só·chāi.

²⁵Hit sī Se·būn Pí·tek khiā·teh hang hé. Chiū ū lâng ká i kóng, Lí iáh káⁿ sī I ê hák-seng hò·ⁿ? I m̄ jīm, kóng, M̄ sī. ²⁶Ū chit ê chè·si-thâu ê lô·pòk, sī hō· Pí·tek siah hī·á ê ê chhin·lâng, kóng, Goá kiám bô khoàⁿ-kìⁿ lí kap I tī hng·lāi mah? ²⁷Pí·tek koh bô jīm; koe sūi·sī thī.

²⁸In chiū toà Iâ·so· tùi Kai·a·hoat ê só·chāi kàu kong·tng: hit tiáp thiⁿ phú·kng; in ka·kī bô jíp kong·tng, bián·tit bak·tiòh lâ·sâm, chiah thang chiah poāⁿ-kè·choeh. ²⁹Só·í Pí·liáp·to chhut·lâi goā·bīn chiū·kūn ìn kóng, Lín kò chit lâng sím·mih àn·kiāⁿ? ³⁰Ìn kóng, Chit lâng nā m̄ sī pháiⁿ lâng, goán chiū bô chiong I kau hō· lí. ³¹Pí·liáp·to chiū ká ìn kóng, Lín ka·kī toà·khì, chiàu lín ê lút·hoat khì pān I. Iû·thài lâng ká i kóng, ³²Goán bô

thài lâng ê koân; che sī beh èng·giām Iâ·so· chêng só· kóng ê oē, chí·bêng I beh sím·mih khoán lâi sí.

³³Pí·liáp·to koh jíp kong·tng, tiâu Iâ·so· lâi, ká I kóng, Lí sī Iû·thài lâng ê ông mah? ³⁴Iâ·so· ìn kóng, Lí kóng chit ê oē sī tùi lí ka·kī, á·sī pát lâng chiong goá ê sū ká lí kóng ah? ³⁵Pí·liáp·to ìn kóng, Goá kiám sī Iû·thài lâng mah? Lí pún·kok ê lâng kap chiah ê chè·si-thâu chiong lí kau hō· goá; lí kó·jiân cháiⁿ-iūⁿ choè ah? ³⁶Iâ·so· ìn kóng, Goá ê kok m̄ sī siók chit sè·kan; goá ê kok nā siók chit sè·kan, chiū goá ê chhe·ēng tek·khak cheng·chiàn, bián·tit goá kau hō· Iû·thài lâng; nā·sī taⁿ goá ê kok m̄ sī tùi chia chhut. ³⁷Pí·liáp·to chiū ká I kóng, Án·ni, lí sī ông mah? Iâ·so· ìn kóng, Lí kóng goá sī ông. Goá ūi·tiòh án·ni chhut·sì, ūi·tiòh án·ni līm·kàu sè·kan, beh thoè chin·lí choè kan·chèng. Hoān·nā siók chin·lí ê lâng, thiaⁿ goá ê siaⁿ. ³⁸Pí·liáp·to kóng, Chin·lí sī sím·mih?

Kóng soah, koh chhut·khì chiū·kūn Iû·thài lâng, ká ìn kóng, Goá khoàⁿ I bô choē. ³⁹Chóng·sī lín ū lē, kàu poāⁿ-kè·choeh, goá tiòh pàng chit ê kaⁿ-hoān hō· lín; lín ài goá pàng Iû·thài lâng ê ông hō· lín mah? ⁴⁰In koh toā siaⁿ âu·kiò kóng, M̄ thang chit·ê, sī tiòh Pa·liáp·pa. Chit ê Pa·liáp·pa sī thó·húi.

19 Tùi án·ni, Pí·liáp·to ēng piⁿ phah Iâ·so·. ²Peng·teng ēng chhi·á piⁿ choè bián·liū, tì tī I ê thâu·khak, koh ēng chí·sek ê phàu ká I chhēng; ³chiū·kūn I, kóng, Iû·thài lâng ê ông, Pēng·an ah. Chiū siàn I. ⁴Pí·liáp·to koh chhut·khì goā·bīn ká ìn kóng, Lí khoàⁿ, goá chhoā I chhut·lâi hō· lín, hō· lín chai goá chhâ·liáu khoàⁿ I bô choē. ⁵Iâ·so· tì chhi·á ê bián·liū, chhēng chí·sek ê phàu, chhut·lâi goā·bīn; Pí·liáp·to koh ká ìn kóng, Lí khoàⁿ,

chit ê lâng! ⁶Chiah ê chè-si-thâu kap chhe-iáh khoàⁿ-kìⁿ I, chiū toā siaⁿ âu-kiò kóng, Tèng I síp-jī-kè, tèng I síp-jī-kè. Pí-liáp-to kā in kóng, Lín ka-kī liáh-khì tèng; in-ūi goá khoàⁿ I bô choē. ⁷Iû-thài lâng ìn i kóng, Goán ū lùt-hoat, iā chiàu chit ê lùt-hoat I eng-kai sí, in-ūi I liáh pún-sin choē Siōng-tè ê Kiáⁿ. ⁸Pí-liáp-to thiaⁿ-kìⁿ chit ê oē, chiū it-hoat kiaⁿ; koh jíp kong-tng, kā Iâ-so[·] kóng, Lí tui tá-lóh lái? Nā-sī Iâ-so[·] bô ìn i. ¹⁰Pí-liáp-to chiū kā I kóng, Lí m̄ kap goá kóng mah? Kiám m̄ chai goá ū koân thang pàng lí, iáh ū koân thang tèng lí tī síp-jī-kè mah? ¹¹Iâ-so[·] ìn i kóng, Nā m̄ sī tui téng-bīn hō[·] lí, chiū lí bô koân thang pān goá; só[·]-í chiong goá kau hō[·] lí ê lâng, i ê choē koh khah tâng. ¹²Tui án-ni Pí-liáp-to ài beh pàng I; Iû-thài lâng toā siaⁿ âu-kiò, kóng, Lí nā pàng chit ê lâng, chiū m̄ sī Kai-sat ê pêng-iú; in-ūi hoān-nā liáh ka-kī choē ông ê, sī poē-poān Kai-sat. ¹³Pí-liáp-to thiaⁿ-kìⁿ chiah ê oē, chiū chhoā Iâ-so[·] chhut-lâi; iā ka-kī chē tī kong-chō, tī chit-ê miá kiò Pho[·]-chiòh ê só[·]-chāi, Hi-pek-lâi ê oē kiò choē Lek-pa-tāi. ¹⁴Hit jít chiū-sī pī-pān poāⁿ-kè-choeh ê jít; iok-liók jít tiong-tàu. Chiū kā Iû-thài lâng kóng, Lí khoàⁿ, lín ê ông! ¹⁵In toā siaⁿ âu-kiò, kóng, Tū-khì, tū-khì, tèng I tī síp-jī-kè. Pí-liáp-to kā in kóng, Goá chiong lín ê ông tèng síp-jī-kè mah? Chiah ê chè-si-thâu ìn kóng, Kai-sat í-goā, goán bô ông. ¹⁶Tui án-ni, chiū chiong Iâ-so[·] kau hō[·] in khi tèng síp-jī-kè.

¹⁷In chiū siu I; Iâ-so[·] ka-kī giá i ê síp-jī-kè chhut-khì, kàu chit-ê miá kiò Thâu-khak-oáⁿ ê só[·]-chāi, Hi-pek-lâi ê oē kiò choē Kok-kok-thaⁿ; tī hia tèng I síp-jī-kè, koh ū nng lâng kap I tâng tèng, chit pêng chit-ê, Iâ-so[·] tī tiong-ng. ¹⁹Pí-liáp-to iáh siá chám-tiâu, hē tī síp-

jī-kè, siá kóng, Iû-thài lâng ê ông, Ná-sat-lék lâng Iâ-so[·]. ²⁰Iû-thài lâng choē-choē thak chit ê chám-tiâu; in-ūi Iâ-so[·] siū tèng ê só[·]-chāi kùn siáⁿ; koh só[·] siá ê, sī ēng Hi-pek-lâi, Lô-má, Hi-lī-ni ê bûn-jī. ²¹Só[·]-í Iû-thài lâng chiah ê chè-si-thâu kā Pí-liáp-to kóng, Bôh-tit siá, Iû-thài lâng ê ông; tiòh siá, I ka-kī kóng, Goá sī Iû-thài lâng ê ông. ²²Pí-liáp-to ìn kóng, goá só[·] siá ê, í-keng siá-liáu lah.

²³Peng-teng í-keng tèng Iâ-so[·] tī síp-jī-kè, chiū thêh I ê saⁿ, pun choē sī hūn, ták ê peng tit-tiòh chit hūn; koh thêh I ê lāi-saⁿ; chit niá lāi-saⁿ bô kap-choā, sī téng-ē thau-chit ê. ²⁴Só[·]-í saⁿ-kap kóng, Bôh-tit thiah-līh, tiòh lái liam-khau, khoàⁿ chī-chui tit-tiòh; che sī beh èng-giām sèng-keng só[·] kóng, “In saⁿ-kap pun goá ê saⁿ, Liam-khau goá ê i-hók.” ²⁵Peng-teng kó-jiân choē chiah ê sū. Khiā tī Iâ-so[·] síp-jī-kè pīⁿ, ū I ê lâu-bú, kap I ê lâu-bú ê chí-bē, Kek-liu-pa ê bó[·] Má-lī-a, kap Boát-tāi-liáp ê Má-lī-a. ²⁶Iâ-so[·] khoàⁿ-kìⁿ lâu-bú kap só[·] thiáⁿ ê hák-seng khiā tī pīⁿ-thâu, chiū tui lâu-bú kóng, Lâu-bú ah, khoàⁿ, lí ê kiáⁿ! ²⁷Koh tui hák-seng kóng, Khoàⁿ, lí ê lâu-bú! Tui hit sí, hit ê hák-seng chih-chiap i kàu ka-kī ê ke.

²⁸Chit ê tãi-chì í-āu, Iâ-so[·] chai cheng hāng sū í-keng bēng-pék, in-ūi beh hō[·] sèng-keng ê oē èng-giām, chiū kóng, Goá chhui-ta. ²⁹Tī hia ū chit ê khi-kū toé chhò[·] moá-moá; in chiū thêh hái-jiông chìm chhò[·], hā gū-chhek-chháu, thuh kàu I ê chhui. ³⁰Iâ-so[·] í-keng siū chhò[·]; chiū kóng, Sū bēng-pék lah; chiū àⁿ thau khui tng.

³¹Hit sī sī pī-pān choeh ê jít, Iû-thài lâng ài bián-tit tī an-hioh-jít lâu sin-si tī síp-jī-kè, in-ūi chit ê an-hioh-jít sī toā ê jít; só[·]-í kiū Pí-liáp-to kah lâng kòng-chhih in ê kha-kut,

lâi siu in. ³²Peng-teng kàu, kòng-chhī thâu chhī ê ê kha-kut, í-kíp hit ê kap i tâng têng ê ê kha-kut; ³³kàu tī Iâ-so· khoàⁿ-kìⁿ I í-keng sí chiū bô kòng-chhī I ê kha-kut; ³⁴tók-tók ũ chhī ê peng, ēng chhiuⁿ chhák I ê hiáp-ē, huīh kap chúu liām-piⁿ lâu-chhut. ³⁵Khoàⁿ-kìⁿ ê lāng choè kan-chèng, i ê kan-chèng sī chin; ka-kī chai só· kóng sī sít, hō· lín iáh oē sìn. ³⁶In-ūi chiaⁿ ê tãi-chi chiaⁿ, sī beh èng-giām sèng-keng só· kóng, I ê kut bô chhī ki beh siū phah-chhiūi. ³⁷Koh sèng-keng ũ chhī kù kóng, Lāng beh khoàⁿ in só· chhák ê.

³⁸Chiaⁿ ê tãi-chi í-āu, ũ A-lī-má-thài ê Iok-sek, sī Iâ-so· ê hák-seng, tók-tók kiaⁿ Iú-thài lāng, chiaⁿ àm-chiⁿ choè hák-seng, i lâi kiū Pí-liáp-to, chúu i khi siu Iâ-so· ê sin-si; Pí-liáp-to ún-chún. Chiū lâi, siu I ê sin-si khi. ³⁹Koh ũ Ní-ko-tí-bó·, khi-thâu bat mê-si chiū-kūn Iâ-so· ê, iáh lâi, toà bít-ióh chhiau tím-hiuⁿ, iok-liók chhī pah kun. ⁴⁰In chiū siu Iâ-so· ê sin-si, ēng iù-toē pò· kap huiⁿ-liáu pau I, chiaⁿ Iú-thài lāng bái-chòng ê lē. ⁴¹Tèng sít-jī-kè ê só·-chāi ũ hng; hng-lāi ũ sin ê bōng, lóng bē bat ũ lāng chòng ê. ⁴²Hit jít sī Iú-thài lāng pī-pān choeh ê jít, koh in-ūi hit ê bōng kūn, só·-í an-tì Iâ-so· tī hia.

20 Chhit jít ê thâu chhī jít, chheng chá, thiⁿ iáu-bē kng, Boát-tāi-liáp ê Má-lī-a kàu bōng, khoàⁿ-kìⁿ chiòh í-keng tui bōng soá khui. ²Chiū cháu-khi chiū-kūn Se-bún Pí-tek, kap pát ê hák-seng, chiū-sī Iâ-so· só· thiàⁿ hit ê, kā in kóng, Ū lāng chiong Chú í chhut bōng, goán m̄ chai hē tī tá-lóh. ³Só·-í Pí-tek kap hit ê pát ê hák-seng chhut-khi kàu bōng. ⁴Nng lāng pīⁿ-pīⁿ cháu; hit ê pát ê hák-seng cháu choè thâu, pí Pí-tek khah kín, tãi-seng kàu bōng; àⁿ-lòh khoàⁿ bōng lâi, khoàⁿ-kìⁿ iù-toē pò· hē-teh; tók-tók bô jíp-khi. ⁶Se-bún

Pí-tek tè-āu kàu, jíp bōng; khoàⁿ-kìⁿ iù-toē pò· hē-teh, ⁷koh khoàⁿ-kìⁿ pau thâu-khak ê kun, bô kap iù-toē pò· choè chhī ũi, sī lēng-goā tī chhī só·-chāi kng teh. ⁸Hit sī hit ê tãi-seng kàu bōng ê hák-seng iáh jíp-khi, khoàⁿ-kìⁿ chiū sìn. ⁹In-ūi in iáu-bē bēng-pék sèng-keng ê oē, kóng I tek-khak tiòh tui sí-lāng tìong koh-oáh. ¹⁰Tui án-ni nng ê hák-seng tò-khi ka-kī ê ke.

¹¹Tók-tók Má-lī-a khiā tī bōng goā teh thi-khau; khau ê sī, àⁿ-lòh khoàⁿ bōng lâi; khoàⁿ-kìⁿ nng ê thiⁿ-sai chheng pēh saⁿ, chē tī Iâ-so· ê sin-si só· bat an-tì ê só·-chāi, chhī-ē tī thâu, chhī-ē tī kha. ¹³In chiū kā i kóng, Hū-jîn-lāng ah, Siáⁿ-sū khau? in i kóng, In-ūi lāng chiong goá ê Chú í khi, goá m̄ chai hē I tī sím-mih só·-chāi. ¹⁴Í-keng kóng chiaⁿ ê oē, chiū hoan-sin nng āu-bīn, khoàⁿ-kìⁿ Iâ-so· teh khiā, iā m̄ chai I sī Iâ-so·. ¹⁵Iâ-so· kā i kóng, Hū-jîn-lāng ah, siáⁿ-sū thi-khau? lí chhē chī-chiū? Má-lī-a phah-sng I sī kò· hng ê, chiū kā I kóng, Thâu-ke ah, lí nā ũ kng I khi, chhiáⁿ kā goá kóng hē I tī sím-mih só·-chāi, goá chiū khi siu I. ¹⁶Iâ-so· kā i kóng, Má-lī-a ah. I chiū oát-túg-sin, ēng Hi-pek-lāi ê oē kā I kóng, Liáp-pho-ni; ì-sù chiū-sī, Sian-siⁿ. ¹⁷Iâ-so· kā i kóng, Bóh-tit bong goá; in-ūi goá iáu-bē chiūⁿ-khi kìⁿ Pē; lí tiòh khi chhē goá ê hiaⁿ-tī kā in kóng, Goá chiūⁿ-khi kìⁿ goá ê Pē, iáh sī lín ê Pē; kìⁿ goá ê Siōng-tè, iáh sī lín ê Siōng-tè. ¹⁸Boát-tāi-liáp ê Má-lī-a chiū khi kā hák-seng kóng, Goá í-keng khoàⁿ-kìⁿ Chú; koh kóng, Chú ēng chiaⁿ ê oē kā i kóng. ¹⁹Hit jít chiū-sī chhit jít ê thâu chhī jít, í-keng àm, hák-seng in-ūi kiaⁿ Iú-thài lāng, chiū tī in só· toà ê só·-chāi koaiⁿ mng; Iâ-so· kàu, khiā tī tìong-kan, kā in kóng, Goān lín pēng-an. ²⁰Í-keng kóng chhī ê oē, chiū

ēng chhiú kap hiáp-ē hō· in khoàⁿ. Hák-seng khoàⁿ-kìⁿ Chú, chiū hoaⁿ-hí. ²¹Iâ-so· koh kā in kóng, Goān lín pêng-an; goá chhe lín, chhin-chhiūⁿ Pē ū chhe goá. ²²Í-keng kóng chit ê oē, chiū tui in pún khui kóng, Lín siū Sèng Sîn; ²³lín sià sím-mih lāng ê choē, chiū sià-khì; lâu sím-mih lāng ê choē, chiū lâu-teh.

²⁴Ū To-má chheng choē Té-thó·-má ê, sī cháp-jī hák-seng ê chit-ê, Iâ-so· kàu ê sī, i bô saⁿ-kap tī-teh. ²⁵Kì-û ê hák-seng chiū kā i kóng, Goán chiaⁿ-ê í-keng khoàⁿ-kìⁿ Chú lah. Nā-sī To-má kā in kóng, Goá nā bô khoàⁿ-kìⁿ I chhiú-tiong teng ê jiah, bô ēng goá ê chng-thâu-á thàm I teng ê jiah, bô ēng goá ê chhiú thàm I ê hiáp-ē, goá koat-toàn m̄ sìn.

²⁶Kê poeh jī, I ê hák-seng koh-chài tī chhù-lāi, To-má iah tī-teh. M̄ng í-keng koaiⁿ, Iâ-so· kàu, khiā tī tiong-ng, kóng, Goān lín pêng-an. ²⁷Chiū kā To-má kóng, Chhun lí ê chng-thâu-á lâi khoàⁿ goá ê chhiú; chhun lí ê chhiú thàm goá ê hiáp-ē; bót-tit choē m̄ sìn ê, tióh choē sìn ê. ²⁸To-má in kóng, Goá ê Chú ah, goá ê Siōng-tè ah. ²⁹Iâ-so· kā i kóng, Lí in-ūi khoàⁿ-kìⁿ goá chiaⁿ sìn; hiah ê bô khoàⁿ-kìⁿ lâi sìn ê lāng, ū hok-khì.

³⁰Iâ-so· tī hák-seng ê bīn-chêng, koh ū kiân choē-choē sìn-jiah, bô kì tī chit pún chheh ê; ³¹tók-tók kì chiaⁿ-ê, hō· lín sìn Iâ-so· sī Kì-tok, sī Siōng-tè ê Kiáⁿ; sìn, chiū tī I ê miâ tit-tiòh oah.

21 Chiaⁿ ê tãi-chì í-āu, Iâ-so· tī Thê-pí-lī-a ê hái-piⁿ, koh hián-bêng ka-kī hō· hák-seng khoàⁿ; I ê chhut-hiān kì tī ē-toé. ²Ū Se-būn Pí-tek, To-má, chheng Té-thó·-má, Ka-lī-lī ê Ka-ná lāng Ná-tàn-giáp, Se-pí-thài ê kiáⁿ, iáu ū hák-seng n̄ng ê lóng saⁿ-kap tī-teh. ³Se-būn Pí-tek kā in kóng, Goá beh khì thó-hi. In kā i kóng, Goán iah beh kap lí

khì. Chiū chhut-khì, chiūⁿ chūn; hit mī bô liáh-tiòh sím-mih. ⁴Thiⁿ phú-kng, Iâ-so· khiā tī hái-phiáⁿ, nā-sī hák-seng m̄ chai I sī Iâ-so·. ⁵Iâ-so· chiū kā in kóng, Soè-kiáⁿ ah, lín ū mih-phè bô? In kóng, Bô. ⁶I chiū kā in kóng, Pha bāng tī chūn ê chiàⁿ pêng, chiū oē tit-tiòh. In pha-lòh-khì, chiū bāng thoa boē khí-lâi, sī in-ūi hī choē ê iân-kò. ⁷Tui án-ni, Iâ-so· só· thiàⁿ hit ê hák-seng kā Pí-tek kóng, Sī Chú lah. Se-būn Pí-tek chit-ē thiaⁿ-kìⁿ sī Chú, in-ūi thng-pak-theh chiū ēng goá-saⁿ lâi hā, thiàu-lòh hái. ⁸Kì-û ê hák-seng, (in-ūi lī phiáⁿ bô h̄ng, iok-liók saⁿ-cháp t̄ng), ēng soē chiaⁿ chūn lâi thoa hit bāng ê hī. ⁹Kàu chiūⁿ phiáⁿ, khoàⁿ-kìⁿ ū teh tòh ê thoàⁿ, téng-bīn ū hī, koh ū piáⁿ. ¹⁰Iâ-so· kā in kóng, Tú-á pha-tiòh ê hī, liáh kúi bé lâi. ¹¹Se-būn Pí-tek chiū khí-khì, thoa bāng chiūⁿ phiáⁿ, ū toā bé hī moá-moá, kiōng chit-pah gō·-cháp-saⁿ bé; hī sui-jiān hiah choē, bāng iah bô līh. ¹²Iâ-so· kā in kóng, Lâi chiaⁿ chá t̄ng. Hák-seng bô lāng káⁿ m̄ng I, Lí sī chī-chui? in-ūi chai I sī Chú. ¹³Iâ-so· kàu, thêh piáⁿ hō· in, hī iah sī án-ni. ¹⁴Iâ-so· tui sí-lāng tiong koh-oah liáu-āu, chhut-hiān hō· I ê hák-seng khoàⁿ-kìⁿ, che sī tē saⁿ pái.

¹⁵Í-keng chiaⁿ chá t̄ng, Iâ-so· kā Se-būn Pí-tek kóng, Iok-hān ê kiáⁿ Se-būn, lí thiàⁿ goá khah-iāⁿ chiaⁿ-ê mah? In kóng, Chú ah, Sī; lí chai goá thiàⁿ lí. Iâ-so· kā i kóng, Chhī goá ê iūⁿ-á-kiáⁿ. ¹⁶Tē jī pái, koh kā i kóng, Iok-hān ê kiáⁿ Se-būn, lí thiàⁿ goá mah? Kóng, Chú ah, sī; lí chai goá thiàⁿ lí. Iâ-so· kā i kóng, Chiàu-kò· goá ê iūⁿ. ¹⁷Tē saⁿ pái, kā i kóng, Iok-hān ê kiáⁿ, Se-būn, lí thiàⁿ goá mah? Pí-tek in-ūi I tē saⁿ pái kā i kóng, Lí thiàⁿ goá mah? chiū iu-būn, kā i kóng, Chú, lí bô só· m̄ chai; lí chai goá thiàⁿ lí. Iâ-so· kā i kóng,

Chhī goá ê iūⁿ-á. ¹⁸Goá sít-sít kā lí kóng, Lí siàu-liân ê sī ēng toà ka-kī pák, chiàu só· ài lâi kiâⁿ-iū; tók-tók kàu lâu, lí beh chhun chhiú, pát lâng chiū pák lí, thoa lí kàu m̄ ài khi ê só·-chāi. ¹⁹Iâ-so· kóng che oē, sī chí Pí-tek beh cháiⁿ-iūⁿ sí, lâi êng-kng Siōng-tè. Í-keng kóng án-ni, chiū kā i kóng, Tè goá. ²⁰Pí-tek oát-túg-sin, khoàⁿ-kìⁿ Iâ-so· só· thiàⁿ ê hák-seng tè in, chiū-sī chêng tī boán-chhan ê sī, hiàⁿ oá Iâ-so· ê heng-khám kóng, Chú ah, boē lí ê lâng sī chī-chūi? ²¹Pí-tek khoàⁿ-kìⁿ, chiū kā Iâ-so· kóng, Chú ah, chit lâng cháiⁿ-iūⁿ? ²²Iâ-so· kā i kóng, Goá nā ài i tī-teh kàu goá lâi, kap lí sím-mih kan-siáp? lí tiòh tè goá. ²³Tùi án-ni, chit ê oē piàn thoân tī hiaⁿ-tī ê tiong-kan, kóng, Chit ê hák-seng boē sí; nā-sī Iâ-so· m̄ sī kā i kóng i boē sí, tók-tók kóng, Goá nā ài i tng-tng tī-teh kàu goá lâi, kap lí sím-mih kan-siáp?

²⁴Ūi-tiòh chiaⁿ ê sū choē kan-chèng lâi siá i ê lâng, chiū-sī chit ê hák-seng; koh lán chai i ê kan-chèng sī chin.

²⁵Iâ-so· só· kiâⁿ iáu ū choē-choē hāng, nā sūi chit hāng lâi siá, goá phah-sùg só· kì ê chheh, sè-kan toé boē liáu.